


सानसेयारि "बड'सा" श्रीरालाइयाव
समाज्यादि जिज्जो लोखा थाबाय रायथाय, सन्थाय,
सल', सल'बाथा आरु दावबायादि थावनि, पाक
बाइदिनि स्यायव लिन्नाय लिन्बिदां दैथाय हर/
सानसेयारि "बड'सा" श्रीरालाइया स्रेवस्रानानै
फोसावबाय।
बड'सायाव लिन्हरनायि हुबा स्रालाम,
"बड'सा" श्री नौथां, जौ बयबो आंगो स्रालाम।
सानसेयारि बड'सा मावखुलि
माइबं नोगोर, जोहोलाव दैमालु लामा
ककाझार, बिटिसि-783370
Website: www.bodosanewspaper.com

सानसेयारि बड'सा



बन्ध फोसावनाय
सानसेयारि बड'सा खौरां
बिलाइ फरायगिरि आरो
अन्सायगिरिफोरनिस्मि
मिथिहोहरनाय जायोदि,
जौनि मावखुलिआ 17
सेप्टेम्बर अक्टखालि गोथार
बिश्वकर्मा फुजानि थाखाय
बन्ध थागोन। बेनिखायनो
जौनि खौरां बिलाइआ 18
अक्टआव नुजानाय नड।
उननि बिसानआ फेगौ 19
सेप्टेम्बरनिफ्राय सिगांनि
बादिनो नुजालां बाय
थागोन।
सुजु आफाद, बड'सा
17 सेप्टेम्बरखौ सरकारि
बन्ध सान फोसावबाय
दिसपुर, 16 सेप्टेम्बर:
आसाम सरकारआ गाबोन
17 सेप्टेम्बर अक्टखालि
करम फुजाखौ लोब्बा
लानानै राज्जोयारि सरकारि
बन्ध फोसावनानै होदों।
राज्जो सरकारनि सिडव
थानाय गासैबो
मावखुलिफोरा बे
सानखालि बन्ध थागोन
होन्नानै सरकारि रादाब
बिबु'सारनि गेजेरजों
फोरमायहरदों।

मिरुनि दै गोहो बिफाननि मन्ध्रिनि नुजाथिफेनायाव सा-सान्जा सुबुं देहा आरु कारिकरि बिफाननि मन्ध्रिफोरजों सावरायलायदों जल जीवन मिसन मावफुंनयानि थांखियाव सौहैनो थाखाय सा- सान्जानि राइज्योफोरा गोखै खामानि मावनांगोन: हिमन्त विश्व शर्मा

दिसपुर, 16 सेप्टेम्बर:
आसामनि गिबि मन्ध्रि ७
हिमन्त विश्व शर्माया दिनै
मिरुनि दै गोहो बिफाननि मन्ध्रि
गजेन्द्र सिं शेखावतनि
नुजाथिनायाव मिरु सरकारनि दै
गोहो बिफाननि सिडव लोंग्रा
दै आरु खिख'सालि बिफाननि
बन्जानायाव आसाम खुंथायारि
मावफारियादि फरायसालिमायाव
जल जीवन अभियानखौ
मावफुंनयानि सोमोन्दे सा-
सान्जानि राज्जोफोरनि सुबुं देहा



आरो कारिकरि बिफाननि
मन्ध्रिफोरनि जथुम्मायाव बाहागो
लानानै मिरु सरकारनि दै गोहो
बिफानआ बे जथुम्माखौ
गुवाहाटीआव खुंफुंनानै सा-
सान्जायाव मोनसे बिथांखिखौ
मोजंथारै मावफुंनयानि बिथिडव
सावरायलायनाय आरो बाध्रा
सावरायलायनाय खाबु होनायनि
(5 बिलाइआव)

गोजाम बिल मोनांगौखौ लानानै बड'लेण्ड हायुडारि गौथुमनि मावखुलिआव थिकादारफोरनि दुंहाव थासारि थिकानि खामानिफोरा आबुडै मावफुंजार्दोब्लाबो 2015 निफ्रायनो बिल मोन्नायनिफ्राय जानगाराव थानादों गोबां थिकादारफोरा

ककाझार, 16 सेप्टेम्बर:
बड'लेण्ड थिकादार गौथुमनि
सोदोमाफोर सिगां बोसोरफोरव
गावसिनि खामानि मावनायनि
थाबथानानै थानाय बिलफोरखौ
थाबैनो होनांगौनि दाबिजों दिनै
बड'लेण्ड हायुडारि गौथुमनि
मावखुलिआव थुबुर जाफेदों।
गौथुमनि सोदोमाफोर
थामहिन्बा थिकादारफोरा
बिटिसिनि गासै बिफाननि
2020-21 बोसोरनि
एसअपिडि फाण्डनिफ्राय
सिगांनि खामानि मावखानाय
बिलफोरखौ हरनो थाखाय



आधिखालिनि बिटिआर
सरकारनिस्मि दाबि दैखांदों।
मख'नाय जायोदि, गोबां
थिकादारफोरा थानाय 2015
माइथायनिफ्रायनो गुबुन गुबुन
बिफानफोरनि थिका
खामानिफोरखौ आबुडै
(5 बिलाइआव)

राज्योयारि बि जे पि आइजो आफादनि मावफुं सोदोमाफोरनि मुंखौ फोसावबाय

गुवाहाटी, 16 सेप्टेम्बर:
भारतीय जनता पार्टि
(बि जे पि) आसाम प्रदेश आइजो आफादनि
गाहाय आफादगिरि मुस्लिमा आंगुलला डेकानि
मुंसायनाय आइजो आफादनि राज्जोयारि मावफुं
सोदोमाफोरनि मुं फारिलाइखौ फोसावना होबाय।
भारतीय जनता पार्टीखौ गोखों खालामनायनि
सा 23 लिंहरजानाय सोदोमा महरै जायगा मोनदों

आरो सा 10 जरखा मान गोनां लिंहरजानाय सोदोमा
महरै थिसन्याय जायो। गोदानै सायख'जानाय
मावफुं-सोदोमाफोरखौ राज्जोयारि आइजो आफादनि
आफादगिरि आंगुलला डेकाआ हामब्लाथि
बाउथो। लोगोसेनो फेगौ समाव आइजो आफाद
भारतीय जनता पार्टीखौ गोखों खालामनायनि
जरखा बिफाव लागोन होन्नानै फोस्मायथियो।

गसाइगाव जिल्ला आफाद बिपिएफनि गोदानै सायख'जानाय विबानगिरिफोरा समायखिरा लाबाय

गसाइगाव, 16 सेप्टेम्बर:
बावैसो सान सिगां दाफुंजानाय
बिपिएफनि गसाइगाव जिल्ला
आफादआ दिनै समायखिरा
लानाय हाबाफारि खुंदों। बेखौ

लोब्बा लानानै गसाइगाव
जिल्ला बिपिएफनि
मावखुलिआव मोनसे मेल
खुंफुंनय जायो। दोलोनि गागि
(5 बिलाइआव)

बिटिआराव बड'लेण्ड पिग मिसननि गेजेरजों रांखान्थि बिथिंआव जौगाहोनायनि बिथांखि; नाग्रिजुलियाव बिनि सांग्रांथियारि मावबादा

नाग्रिजुलि, 16 सेप्टेम्बर:
बड'लेण्ड पिग मिसन जाफुंसार
खालामनायनि थांखिजों
नाग्रिजुलियाव सांग्रांथियारि
मावबादा खुंफुंदों। बे सांग्रांथि
मेलाव बिटिआरनि इएम राकेस
ब्रह्मजों लोगोसे एस डि भि
अ ७ रुपम बर', बड'लेण्ड
पिग मिसननि दिथागिरि मज
कुमार बसुमतारि आरो
नाग्रिजुलि भेटिरिनारि ७



बेजों लोगोसेनो आसामनि पिग
मेन मज कुमार बसुमतारीया
आलासि महरै बाहागो लानानै
गावनि बिबुंथियाव
बिगियानारि राहाजों अमा
फिसिनानै माबोरै रांखान्थियारि
मुलाम्फा मोननो हायो बेनि बागै
गुवारै बेखेवनानै होयो।
बिटिआर खुंथयनि
बिफानारि मावफुंगिरि सोदोमा
(5 बिलाइआव)

प्रितुसिं टापाजों लोगोसे गोबां
बिफानारि मावखगिरि बिथांमोना
बाहागो लादोंमोन।
हाबाफारिखौ तामुलपुर भेटेनारि
मावख'नि एस डि भि अ ७
रुपम बर'था बेखेवनानै होयो

13 बोसोरनि हिन्जावसाखै आयेन बैरेखायै देहायारि सोमोन्दो लाखिना गोबोबिथि खालामदों

उदालदुरि, 16 सेप्टेम्बर:
उदालगुरि जिल्लानि सदर
थावनि थानानि सिडव थानाय
सा रावनागरआव मोनसे
मुगैजाथाव जाथाय सोमजिनाया
ओन्सोललाव दुंहाव थासारि
सोमजिखोंहोदों। मख'नो
गोनादि नखराव रावबो गैथैखौ
खाबु लानानै नसुंसेनिनो जगत
गवाला (55) मुनि लम्पद

सुबुडा जरुकु कुवर (53)मुनि
सासे सुबुनि 13 बोसोर बैसोनि
फिसाजोखौ आयेन बैरेखायै
देहायारि सोमोन्दो लाखिनानै
गोबोबिथि खालामनाय जाथाय
ओन्सोललावेनो दुंहाव थासारि
सोमजिहोयो। सुलुडाव
फोरमायथिनाय बादिब्ला
दायनिगिरि लम्पदफोरा बेबायदि
(5 बिलाइआव)

हादत उदासिनि 75 बोसोर नाईनो जौगाखां बिथारिफोरा वाक्सानि झारवसिसिम सौहैनो हायायै

राइजो-राजाफोरा गोबां
जैनाफोरजों मोगा-मोगि जानो
गोनां जादों। हान्था-मेलानि
थाखाय बे ओन्सोलफोराव
मोजां लामानि फोनांजाब गैया।
बोसोर नाईनो बे ओन्सोलनि
सुबुंफोरा दैसानि गेजेरजों
हाथिनो गोनां जायो। सिमा
ओन्सोलनि पाहारपुरनिफ्राय
(5 बिलाइआव)

दिनै कालाइगावआव गोदेस्थार भेक्सिन थुनाय हाबाफारि

कमन्डेन्ट गुलाप सिंआ
बेखेवनानै होनाय बे बिफां फुलि
गायनाय हाबाफारिनि गेजेरजों
सोरिगिदिं गुबुन गुबुन रोखोमनि
खमैबो 1000 निबो बांसिन
बिफां फुलिफोरखौ गायनाय
जायो। बे बिफां फुलि गायनाय
हाबाफारिखौ बेखेवनाय समाव
गुलाप सिंआ गावनि बिबुंथि
लाखिनाय समाव बुडोदि, बिफां
गैयाब्ला सुबुं माहारिआ थानानै
थानो हाया। बिफां-लाइफांआसो
(5 बिलाइआव)

कालाइगाव, 16 सेप्टेम्बर:
राज्जो नाईनो कभिड भेक्सिन
थुनाय हाबाफारिखौ
गोखौनिफ्राय गोखों हाबाफारि
लानायनि गेजेरजों राज्जोनि
साफ्रोमबो सरासनन्हा
सुबुंफोरनो 100 % भेक्सिन
थुनायनि हाबाफारि लानायजों
लोगोसेनो उदालगुरि
जिल्लानि सिडव थानाय
(5 बिलाइआव)



ककाझार, 16 सेप्टेम्बर:
ककाझार जिल्लानि भटगावआव
थिसनजानाय 129 थि
बेटेलियन सिआरपिएफ सान्धि
हान्जानि बान्जायनायाव
गावसिनि बादानि सोरिगिदिं
बिफां फुलि गायनाय हाबाफारि
बान्जायदों। बेटेलियननि

इरुनाइटेड लिबारेसन फर बड'लेण्ड मुनि हाथियार लाग्रा गोदान बिग्रायारि आफादनि जोनोम



ककाझार, 16 सेप्टेम्बर:
आसामाव फिन गुबुन मोनसेबाव
गोदान बिग्रायारि आफादनि
जोनोम। थानाय 2020
माइथायनि 27 जानुवारिखालि
जालानाय बिटिआर गोरोवथानि
उनाव बर' हारिनि गेजेराव
जोनोम मोन्दोंमोन
एनएलएफबि मुनि मोनसे
बिग्रायारि आफादआ। नाथाय
सावरायनायनि गेजेरजों गोजोन
अखोरडव फेफिनो थाखाय
एनएलएफबिनि गासै दैदेनिगिरि

एनएलएफबिआ गोजोन
(5 बिलाइआव)
टंला सोहोराव 100 बिसिना गोनां
मडेल देहा फाहामसालि फसंनो प्रमद
बर'नो गोसोखां बिलाइ गथायदों
उदालगुरि, 16 सेप्टेम्बर:
आधिखालिनि बि टि सि
सरकारनि गाहाय मावफुं सोदोमा
प्रमद बर'नो कच-राजबंशी
फरायसा आफादा गांसे रादाब
बिबुंसारनि गेजेरजों दाबि
(5 बिलाइआव)

गुवाबारि गोर्खा आइजो जौगाखां आफादनि बानजायनायाव गिबि 'तीज' फोर्बो खुंदों

तामुलपुर, 16 सेप्टेम्बर:
तीहार आरो तीर बे मोननै फोर्बोआ
नेपालि एबा गर्खा समाजनि मुख
जाथाव फोर्बो। तीहार फोर्बोखौ
गर्खा समाजा दुर्गा फुजा फोर्बोनि
उनाव फालियो आरो तीर
फोर्बोखौ भाद्र दानाव फालियो।
(5 बिलाइआव)



माजबातआव गोबां विबानि गान्जा हम्दों



माजबात, 16 सेप्टेम्बर:
उदालगुरि जिल्लानि माजबात
पुलिसआ थानाय
बुधबारखालि हराव
सिग्रोमनाय हाबाफारि
लानायनि गेजेरजों गासै 8
(5 बिलाइआव)

आइ दैमायाव गब'नदों सासे लाइमोन



24 घन्टानि ज्वाबो
नागिरना मोनाखै गोथै देहा
बिजनी, 16 सेप्टेम्बर:
जोनोम साननि लोगोफोरजों
बेरायनो थानायावनो
सोमजिदों मोनसे दुखुनांथाव
जाथाय। थानाय बुधबारखालि
सोमजिदों बे दुखुनांथाव
(5 बिलाइआव)

सुजुगिरिनि खोलोम

बर' आयजोनि दानाय लुनायखौ थुलुगां होनायनि गोनांथि

बुंस हायै समनिक्रयनो गामिआव राइजो जाग्रा सुबुंफ्रा दानाय लुनायखौ गोनां आरिमु महरै गोबाना लाबोदों। बर' माहारिनि गेजेराव बाश्रा फसे दइ, 'जाय हिन्जावा दानाय लुनायाव आखाय गैया बे हिन्जाव सिखाखौ रावबो हाबा खालामा'। बाश्राया नंखाय नडा। गामिआव नखरफोमबो साल-गान्दैजों समायना इसानसाली थानायमोन। मेसें बोथोर सौफेनाय लोगो लोगो नखर नखर सि सोनाय, नो-खनाय, बिनि उनाव गान्दैआव खुन्दुखौ फाना सालाव दानाय। गामिआव हाबहेब्लानो नखर नखर खालथां, खालथां, माखु गाबनाय सोदोब खोनानो मोननायमोन। आधिखालाव नाथाय गामिप्रव हाबहेब्लाना माखु गाबनायखौ बारा खोनानो मोनलिया। मानि जाहोनाव गामिनि आइजोफ्रा सि दानायखौ नगरनो हमखो, बेखोबो गोथोंयै साननो गोनां जाबाय। गोदोफेर खुन्दुखौ गाव गावो बाइदि रोखोम मुवाजों गोमो, गोथां गोजा, गोमो दाउदे बाइदि रोखोम मुवाजों बाइदि बाइदि गाव गाना सि दानायमोन। दानिया नाथाय, हाथायाव मोननाय गोजा गोथां गोमो बाइदि रोखोम गाबनि खुन्दु बायना दखना, जोमग्रा सिमा, बाइदि बाइदि रोखोमनि सि दाबाय।

गोदो गामि गामि इन्दि बिफांनि बागान खालामना एमफौ फिनानै फिथोबनिप्रय इन्दि, खुन्दु दिहना इन्दि सि दानायमोन। नखराव जोमनो दोनानौबो गुबुनोबो फानहरोमोन। इन्दि सिनि बेसेनआ गोदोनिबुडु आधिखालाव गोबां ज'सिनबाय। गोबां रोखोमनि इन्दिसि दाना दिहनुो हाब्ला बेनिप्रयबो गोबां रां मोननो हायो। बेजोंनो नखरनि गथ गथायनो लेखा-बायनो गाननाय जोमनायखौबो ज'गार खालामनो हायो। आधिखालनि सुबुंफ्रा नाथाय इन्दिसिखौ जोमाबालानो हाथायाव मोननाय मनिपुरि जोमग्रा, काश्रमीर साल बाइदि बाइदि सि फोरखौसो बायना जोमसै।

सिनि फलांगि खालामनो माखासे आइजोफ्रा दागबाबोनायखौ नुनो मोनदों। आइजोफेरनि दानाय लुनायनि आफदफोर दाना लानायखौ नुनो मोनदोंसे। बे रोखोमनि उर्थिं सेट्यराव दखना जोमग्रा बाइदि बाइदि सि दाना हाथाय बाजारवा फाननोबो लाबाय। गामिनि सिखाफ्रानो बे उर्थिं सेट्यराव जानो आन्थाल' रं लाना दानाय लुनाय हाबाखौ मावनो हमबाय। नाथाय बेजों उर्थिनि सोद्रोमाफ्रा बेसे बां मुलाम्फा देखानो हादों बेबो मोनसे साननो गोनां। नुनो मोननाय बादिबेब्ला उर्थिनिप्रय दिहनुजानाय सि-जोमखौ फाननायनि थाखाय नांगौमानि गुवार रोखोमनि हाथाय गैया। नांगौ रोखोमनि गुवार हाथाय गैयाब्ला उर्थिनिप्रय थाना थानांगौआ गोब्राब। हादोरनि बायहाआवबो बे रोखोमनि हाथाय थानांगोन।

जैरिख जाया, माहारिनि हारिमु आरो आरिमुखौ फोथाना लाखिनायनि लामाखौबो लानांगोन। बि.टि.सि. हालामनि बर' आइजोफ्रा गोदो गोदायनिप्रय सोलिबोनाय दानाय लुनायनि आखुखौ फोथाना लाखिनांगोन। बिटिसिनि देदैनगिरिफ्राबो गामिफोरनि आइजोफेरखौ थुलुगा होनानै खाथिना जाग्रा सुबुंफोरनो गानग्रा दखना गांसेनि खुन्दु खिनिखौ जगायना सोरकार होनो हानांगोन। आधिखालनि गामिफोरनि सुबुंफोरनि हाल-साला गाहाम नंलिया। जानाय लोनायखौनो जगायनो हायाब्ला गाननाय जोमनायखौ माब्रे जगायनो हानो ? जैरिख जाया थानानै थानायनि राहाखौ बिटिसिनि देदैनगिरिफ्रा गामिनि सुबुंफोरनो होनांगोन। बिनि लोगो लोगो माहारिनि हारिमु आरो आरिमुखौबो फोथानानै लाखिनांगोन।

दिनैनि फानजायमुथि

राशि बाइदियै मुनि गिबि हांखो

मेघ : अ ल बुष : ऊ ब (उ ए इ) मिथुन : क छ (ङ ङ) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

मेघ: सरकार मासिया जाँगाखानाय फैगोन। गोसोखौ गोजोन मोननो हागोन।

बुष: आखल-आखु गैयै गोसोनि जाफलांबायनो हागौ। गोस हम्थानाया मोजां।

मिथुन: जेखि बादया जेनो हागौ। जैरेबो सांग्रा जानानै थानांगोन।

कर्कट: माबाफोर बिबान मावनायाव बाहागोदारि जाफानो मोननो हागौ। गोजोनायखौ मोनगोन।

सिंह: जेथिबो होवथा गोहो मावनो हागोन। गोजोनै समखौ बारहोनो हागोन। मोजां सम।

कन्या: सोरजोंबा सोमोन्दो गावसालायनाय जानो हागौ। जेथियायो जाया गोसोखौ हम्था।

तुला: नख'र सालायनायाव गिनाय सोमजिखानो हागौ। गोसोखौ लोरबां खालामनो नाडा।

वृश्चिक: जेखि खामानिखौ मावा नाजाथावनानै मावनगोन। साननाया जाफुनो हागौ।

धनु: फालांगि खालामोब्ला खहा जानो हागौ। सांग्राडें मावनगोन। थासारिया गेजेरनि।

मकर: देहानि फारसे मोजां जागोन। गोजोनै थानो हागोन। मोजां सान।

कुम्भ: मानिबा दायआव राज साजा मोनो हागौ। गोसो हम्थानानै सोलिनांगोन।

मीन: गोबाव समनि लोगोजों लोगो मोननायलायनो हागौ। गोसोखौ गोजोनाय मोनगोन। मोजां सम।

करनानि गेजेराव गुबुन गुबुन बाहागोआव पिबार आरो डेंगुनि गोहोमआ बांबोदों, इउपिनि ब्रुज ओन्सोलआव बांसिन गोहोम गोरलैदो

गोदान दिल्ली, 16 सेप्टेम्बर: करना इनफेक्सननि गेजेराव हादतनि माखासे बाहागोफोराव लोमजानाय एबा पिबारनि गोहोमआ बांदों। उत्तर प्रदेश, मध्य प्रदेश, हरियाणा आरो दिल्ली एन्सिआरनि माखासे ओन्सोलफोराव पिबारनि गोहोमजों लोगोसेनो डेंगुनि केसआबो सोराडव फैदों। उत्तर प्रदेशनि ब्रुज ओन्सोलआव बेनि गोहोमखौ बांसिन नुनो मोन्दों। फीरजबाद जिल्लायाव थानाय सानफोराव बेनि केसआ गोखे बांबोनायनि उनाव मिरुनि हान्जायाबो बैयाव दावबायहैदोंमोन। बेयाव डेंगुनि अनगायै स्कूब फाइटस बेरामनि बाश्रायाबो सोराडव फैदोंमोन। गुबुन राइज्योफोरावबो पिबारनि केसआ सोराडव फैदों, जायनि उनाव राइज्योफोराव सावस्त्रिनि सिबिथाय होनायखौ सांग्रासिन खालामो। थानाय 24 घन्टयाव ब्रुज हालामनि दर 5 जिल्लाफोराव सा 14 सुबुंफोरा पिबारजों जिउ गोमायो।



फीरजबादआव सा 7 सुबुंफोरनि जिउ गोमायो। कासगन्ज, मेनपुरी आरो हाथरसआव सानै-सानै आरो मथुरयाव सासे थैदों। फीरजबादआव 11 आगस्टआव गिबियै सासे बेरामिनि जिउ गोमादोंमोन। बेनि उनाव आधिखालसिमाव सा 141 बेरामिफोर थैबाय। बुधबायाव

लक्ष्मीनिफ्राय सन्देखा बेरामनि बिफाननि डायरेक्टर डा: गिरिजा शंकर बाजपेयीजों लोगोसे सा 3 सोद्रोमानि हान्जाया फीरजबादआव थानोंमोन। ब्रुजआव डेंगुनि डि-2 स्टेनआ गोखों गोसादों आरो लोगोसे स्कूब टाइफसनिबो इन्फेक्सन मोन्दों। आग्रायाव बुधबायाव सा

14 आरो मेनपुरीयाव सा 15 बेरामिफोरनाव डेंगुनि केस मोन्दों। कासगन्जआव गासै सा 27 बेरामिफोर डेंगुजों जिउ गोमाबाय। मथुरा, आलीगढ आरो एटयावबो डेंगु आरो पिबारनि गोहोमखौ नुनो मोन्दों। मध्य प्रदेशआव डेंगुनि बेरामिफोरनि अन्जिमाया बे बोसोराव सा 2,900 सिम जाबाय। बेनि सा 1,500 बेरामिफोरा सेप्टेम्बर दाननि।

जिल्लायाव गोबुन सावस्त्रि बिफाननि मावसुमाफोर थागोन। सिभिल सर्जन डा: ब्रह्मदीपआ बुंदोंदि, चिल्ली गामियाव बिसोरनि थैनाय गुबुन गुबुन बेरामजों जादों। रजथावनि दिल्लीयावबो थानाय से सप्ताहयाव डेंगुनि सा 34 बेरामिफोरखौ मोन्दों। बेयाव गासै बेरामिनि अन्जिमाया सा 158 जाबाय। निगमनि रिपर्टनि बादिब्ला, डेंगुनि बांसिन बेरामिफोरखौ सा निगम ओन्सोलआव मोन्दों। खोला निगम ओन्सोलआव सा 8, सान्जा निगम ओन्सोलनिफ्राय सा 6 बेरामिफोर मोन्दों, नाथाय गुबुन सा 11 बेरामिफोरनि थंखौ रोखा मोननाय जायाखै। खौरनि बादिब्ला, मुम्बाइयाव सोलिफु बोसोरनि थानाय जानुवारीनिफ्राय दासिमाव डेंगुनि सा 305 केस मोनबाय। बेनि 85 केसआ सोलिफु सेप्टेम्बर दाननि। फारसेथि मध्य प्रदेशआव बे बोसोराव गासै सा 2,400 नि बांसिन बेरामिखौ मोन्दों। आधिखालाव सा 95 नि बांसिन बेरामिफोरा गुबुन गुबुन देहा फाहामसालियाव फाहामथाय लागासिनो।

पान्जाबआव पाकिस्तानखौ हेफाजाब होग्रा उतरखारि माडयुलनि साब्रै सोद्रोमा हम्दों



गोदान दिल्ली, 16 सेप्टेम्बर: दिल्लीआव सा द उतरखारिफोरखौ हम्नायनि उनाव हादतनि गुबुन राइज्योफोरावबो पुलिस हाई एलाट जादों। हम्जानाय उतरखारिफोरनिफ्राय रोखा जादोंदि, बिसोरो माखासे राइज्योफोराव फोबॉनि समाव बमा बेरफुनो खैसार सादोंमोन। गुबुन माखासे राइज्योफोरनिफ्रायबो बिसोरनि खैसार सानायनि बाश्राया सोरंआव फैदों। बेनि गेजेरावनो पान्जाबनिफ्राय पाकिस्तानखौ हेफाजाब होग्रा उतरखारि माडयुलनि सा 4 सुबुंफोरखौ हम्नो हादों। आइएसआइखौ हेफाजाब होग्रा उतरखारि माडयुलनि आरोबाव साब्रै सोद्रोमाफोरखौ हम्खानायनि उनाव पान्जाबआव हाइ एलाट फोसावना होयो। बे माडयुलआ थानाय दानआव राइज्योनि अमृतसर जिल्लायाव आइडिबि बमा होनायाव लोब्बा दंमोन। इन्टार साभिसेज इन्टेलिजेन्स (आइएसआइ) आ पाकिस्ताननि सांगालि एजेन्सि सरकारनि फारसिनिफ्राय फोसावनाय फिन्नायनि बादिब्ला, पान्जाबनि गिबि मन्थ्र अमरिन्द सिंआ राइज्योआव हाइ एलाट फोसावनो विशेन होदों। दिल्ली पुलिसनि स्पेशल सेल आरो उतर प्रदेश एटिएसनि गेजेरजों हम्नाय सा 6 उतरखारिफोरनियाव सोंथि सानायवा गोबां गोदान खौरफोर

होनायफोरा सेलुयटबो खालामदोंमोन। सासे बिबानगिरिनि बादिब्ला, सानै उतरखारिफोरा सोंथि सानायवा फोरमायदोंदि, रनि थाखाय नडा जिहादीनि थाखायसो ट्रेनि लानो पाकिस्तानआव थानोंमोन। बिबानगिरिफोरनि बायदि, बे माडयुलआव माखासे गुबुन उतरखारिफोर दड। बिनीयाव आन्डारवार्ड डन दाउद इब्राहिमनि फं बाय अनीस इब्राहिमनि गे जेरजों आइएसआइनो हाथियार आरो बमा बेरफुग्राफोरखौ जगायना होयोमोन। थानाय आगस्टआव अमृतसरआव पाकिस्ताननि इन्जों गं 100 पिस्तल, गोबां अन्जिमानि टिफिन बमा, हेन्ड ग्रेनेड आरडिफेक्स आरो गुबुन बेरफुहोग्रा मुवाफोरखौ बे मायडुलनि थाखायनो लाबोदोंमोन। बिसोरनियाव सौहैनायनि सिगानि रैखाथि एजन्सिफोरा बेफोरखौ जब्द खालामनो हादोंमोन।

भारतनाडै दिनै गासै 30 रोजानिफ्राय बांसिन गोदान केसआ सोराडव फैदों



गोदान दिल्ली, 16 सेप्टेम्बर: देहा मावख'नि गोदान अन्जिमानि बायदिब्ला थानाय साननि रुजुनायाव दिने साननि थैनायनि अन्जिमायावबो दावखोनायखौ थिसन्दों। बेनि अनगायै केरेलायावबो गोदान केसफोर आरो थैनायफोरनि अन्जिमायाव दावखोदों। 17 रोजानिफ्राय बांसिन केस आरो

200 निफ्राय बांसिन बेरामिफोरनि थैनायखौ थिसन्नाय जादों। गाहाम देहा मावख'नि गोदान रिपर्टनि बायदिब्ला थानाय 24 घन्टयाव करना इनफेक्सननि गासै 30 रोजा 570 गोदान केसआ सोराडव फैदों आरो बे समाव गासै 431 सुबुंफोरा थैदों। बेनि गेजेराव 17 रोजा 681 केसखौ केरेलायाव थिसन्दों आरो गासै 208 सुबुंफोरा करनाजों थैदों। मख'नो गोनांदि, हादतआव दासिमाव करना भाइरसनि गासै 3,33,47,325 केसआ सोराडव फैदोंबाय, जायनि गेजेराव गासै 3,25,60,474 सुबुंफोरा मोजां जाखांबाय आरो गासै 4,43,928 सुबुंफोरा करनानि जाहोनाव थैदों। आधिखालाव हादतआव गासै 3,42,923 सांग्राथि केस दड।

एलन मास्कआ स्पेस एक्सजों सरायसनस्रा सुबुंफोरखौ दैथाय हरनानै जारिमिन सोरिदों

गोदान दिल्ली, 16 सेप्टेम्बर: फालांगि एलन मास्कनि आमेरिकान एयारस्पेस कम्पानी एक्सआ साब्रै सरायसनस्रा सुबुंफोरखौ अखामायाव दैथायहरनानै जारिमिन सोरिजिनो हाबाय। स्पेस एक्सआ दिनै इन्सिपिरेसन 4 मिसनखौ मुलुगनि गिबि अल-सिभिलियान कुजों लोगोसे अखामायाव लन्व खालामनानै गोदान रिक्ड खालामदों। आमेरिकानि फ्लोरिडयाव थानाय केनेडी स्पेस सेन्टरनिफ्राय दिनै फुनि 5.30 रिगायाव (भारतनि सम बादिदियै) ड्रेगन केप्सुल फाल्कन-9 रकेटजों अखामायाव रावहा होलादों। मख'जाथावदि, बे मिसननि गेजेरजों सा 4



अखामायाव दावबायनो गोसो गोनां सुबुंफोरखौ बुहुम बिखुनिफ्राय 357 माइल (575 कि:मि:) गोजौयाव दावबायहोनो लादों। बिसोरो प्राइभेट अखामायाव यानआ सानथाम भुमनि कक्ष लामायाव थागोन एबा भुमखौ यानआ गिदिखनगोन। बे मिसनआ बेनि थाखाय मख'जाथावयिन

आमेरिकायाव थानाय फ्लोरिडानि केप केनावेरलआव नासानि केनेडी स्पेस सेन्टरनिफ्राय लन्व खालामनाय जादों, बेबादि दोलोखौ अखामा मिसनआ दैथायहरनानै बे खौरंखौ होनो नाजादोंमोन अखामायाव बयनिबो थाखाय खुलिबाय। बे प्रजेक्टनि सायव आरबपति फालांगि जैरेड आइजेकेमेनआ खरसा खालामदों। बियो गावनो खरसा खालामनानै बे फुरा मिसनखौ कन्स्ट्रक्ट लादोंमोन आरो सा 3 एननिमाउस सुबुंफोरखौ बे मिसनाव थानो खालयादों। बेनि हेफाजाबनि दावबायफोरखौ सायख'नो थाखाय मोनसे आलादा सायख'नाय हावफारिबो खुनाय जादों।

मिरु नख 'रमावख'आ थाबैनो नागा गोजोन सावरायनायनि थाखाय गोदान सावरायगिरिखौ थिसनगोन

गोदान दिल्ली, 16 सेप्टेम्बर : नागा दैदेनगिरिफोरजों लोमोसे फिन गोजोनै सावरायनो थांखिये मिरु नख 'रमावख'आ थाबैनो सासे गोदान सावरायगिरि थिसनो थाखाय थियारि जादों। आथिखालाव सावरायगिरि आर-एन-रबि, जाय नागालेन्डनि रइज्यो बेंगिरिगोन। बिखौ थांनाय सप्ताहयाव तामिलनाडुआव ट्रान्सफार खालामनाय जादोंमोन। सुत्तुनि बादिल्ला मावख'आ गोदान सावरायगिरिनि महराव संगालि बिउरनि बाराग' जरखा बिथोनगिरि अक्षय कुमार मिश्राणि मुंखौ गनायथि होदों आरो बेखौ लानानै थाबैनो थांखि लानायखौ फोसावनाय जागोन। राजस्थान के डारनि 1987 बेचनि आजिरा मोन्नाय आइपिएस बिबानगिरि मिश्राखौ बे मख'जाथाव हाबाफारिनि थाखाय मिरु नख 'र मन्थि अमित शाहनि मोजां मोन्नाय सुबुं फोसायदों। बे बोसोरनि एप्रिलाव आजिरा मोन्नायनि उनाव बिखौ नख 'र मन्थिनि बोसोनगिरि बानायनाय जादोंमोन। अक्षय कुमार मिश्राआ आसामनि काबि-आलं जिल्लायाव थानाय उतखारि हान्जाजों लोगोसे गोजोन रदाय



खानायनि सायाव मुं सायनाय आरो रैखाथि सेटआव गुबुन मोनसे फुंखा नेसनेल सशालिस्ट काउन्सिल अफ नागालेन्ड (एनएसएस) (के) हान्जाजों लोगोसे दावह दौन्थनायनि रदाय खानायनि सायाव मुं साय होनायाव मख'जाथाव हाबा मावदों। आथिखालाव नागा गोजोन सावरायनायआ थाबथाना थादों। मोनाना आथिखालाव सावरायगिरि आर-एन-रबिआ गोबाव समनिफ्रायनो नागा बिग्रायारि हान्जानि जायखि जाया युपनि दैदेनगिरिजों लोगो हमयाखे

आरो 15 आगस्ट 2021 आव उदासि सानआव बनि बिबुंथि होनायखौ रइज्यो राजखाथि हान्जानि गेजेरजों बाखायनाय जायाखे मोन। सावरायगिरि आर.एन. रबि आरो नागा हान्जानि गेजेरव फोथायनायआ खमी जानायनि जाहोनाव बिखौ रइज्योनिफ्राय बायजोआव ओंखार बोनायनि जाहोन बानायदों। मानोना बियो थांनाय 2 बोसोरनिफ्राय नेसनेल' सशालिस्ट काउन्सिल अफ नागालेन्ड (इसाक-मुइबा) जों जेनायाव गोमलैना दंमोन। नागा

गोजोन सावरायलायनायआ 2020 नि जागायजेनआव जेनायाव गोमलैयो जेब्ला नेसनेल सशालिस्ट काउन्सिल अफ नागालेन्डनि दैदेनगिरि टी मुइबाआ सावरायगिरि आरो नागालेन्डनि रइज्यो बेंगिरि आर-एननि 2015 आव रदाय खानायनि लाइन सायाव दावराव दावसि खालामो। □

भारतआव मोन 9 था गुबुन हादतनि एनजिअ- फोराव थोंजों फान्डिं खालामनायखौ होबथादों

गोदान दिल्ली, 16 सेप्टेम्बर : हादतनि गुबुन गुबुन सेक्टरफोराव हाबाफारि मावनो थाखाय दोहोनखौ जगायना होग्रा मोन 9 था गुबुन हादतनि एनजिअनि सायाव सरकारआ थि रोखोमनि गनायथि मोना लासे हादतआव फान्ड ट्रान्सफार खालामनायनि सायाव होबथादों। बिबानगिरिया फोरमायदों फरेन कन्ट्रिबुसन रेगुलेसन एक्ट, 2010 नि नेमखाथिनि गेजेरजों नख 'र मावख'आ बे एनजिअफोरखौ प्रायार रिफरेन्स क्रेटरिआव दोन्दों। बेनि गेजेरजों बै गुबुन हादतनि फसंथाननिफ्राय जायखि जाया फान्ड मोन्नायनि थासारिआव बेंकफोरा बिबानगिरिफोरनो खौरां होनांगोन। बे एनजिअफोरनि गेजेरव गं 3 आ आमेरिकानि, गं 2 अस्ट्रेलियानि गासै आरो गं 4 आ ब्रिटिसनि। बिसोरनो आबहावजों सोमोन्दो थानाय हाबाफारिनि थाखाय दोहोनखौ जगायना होयो। आयेननि बादिल्ला जुदि मावेबा



एनजिअखौ प्रायार रिफरेन्स क्रेटरिआव दोन्नाय जायोब्ला बिसोरनाव सौफे नाय रांखान्थिखौ बेंकफोरा न'खर मावख 'नि गुबुन हादतनि ब्रान्सनो खौरां होनायआ गोनांथार जागोन। नख 'र मावख 'नि अन्जिमानि बायदिल्ला, 2018-2020 नि

गेजेरव हादतआव 18 हाजारनिफ्राय बांसिन एनजिअआ 49 हाजार कौंटिनिफ्राय बांसिन गुबुन हादतनि फान्डिंखौ मोनदों। फरेन कन्ट्रिबुसन रेगुलेसन एक्टनि बायदिल्ला एफसिआरएआव रेजिस्टार जानाय गंफ्रामबो एनजिअआ

गुबुन हादतनिफ्राय रांखान्थि मोन्नो थाखाय गोदान दिल्लीआव थानाय एसबिआइनि गाहाय ब्रान्सआव एफसिआरए एकाउन्टखौ खुलिनाया गोनांथार जागोन। 31 जुलाइ 2021 सिमाव बे ब्रान्सआव गासै 18,377 एकाउन्ट खुलिनाय जादों। □

गाहाय मन्थि नरेन्द्र मदिआ रैखाथि मावख 'नि गंनै परिषदफोरखौ बेखेवदों




गोदान दिल्ली, 16 सेप्टेम्बर : गाहाय मन्थि नरेन्द्र मदिआ गंनै रैखाथि मावख' परिषदफोरखौ बेखेवदों। बे रैखाथि मावख' परिषदफोरा दिल्लीनि कस्तुर गान्धी मार्ग आरो आफ्रिका एभेन्युआव दं। बे खाबुआव गाहाय मन्थि मदिआ सेन्ट्रल बिस्टानि वेबसाइटखौ लन्स खालामदों। बे खाबुआव गाहाय मन्थि मदिआ बुंदों दिने दिल्लीआ निउ इन्डिया

बिजन महैर आवगय लादों। बे गोदान रैखाथि मावख' परिषदा आथिखालाव जॉनि सान्थिफोरनि थाखाय गासिबो गोदान मुगानि सुबिदाफोरजों लोगोसे मोजां हाबाफारि मावनायनि थासारिआव खामानि मावनायखौ गोलेसिन खालामगोन। बे खाबुआव रैखाथि मन्थि राजनाथ सिंआ बुंदों आगुनि समाव न' बिलिडंआ गाग्रि जानाय थासारिआव दंमोन,

जायनि जाहोनाव जॉनि बिबानगिरिफोरनि हाबाफारि मावनायनि थासारिआव गोहोम गोमलैदों। जायगाखौबो मोजां रोखोमै बाहायजोबनो हायाखे। बेनि जाहोनावनो बै परिसरखौ बानायनाय जादों आरो 7000 हाजार निफ्राय बांसिन सुबुंफोरा बेवहाय मोजां रोखोमै हाबा मावनो हागोन। बे परिषदफोरखौ बेखेवनायनि सिगां चीफ अफ डिफेन्स स्टफ जेनेरेल बिपिन रावतआ फुजा खालामदों। बे हाबाफारियाव रैखाथि मन्थि राजनाथ सिं, रैखाथि रइज्यो मन्थि अजय भट्ट, न' आरो सहरनि हाबा मावग्रा मन्थि हरदीप सिं पुरि, मन्थि कौशल किशर, सिडिएस जेनेरेल बिपिन रावत आरो सान्थि हान्जानि गाहायाबो बाहागो लादों। □

गोदान दिल्ली, 16 सेप्टेम्बर : सरसन्नायै मौसुमि बोथोरा हादतनिफ्राय बोसोरफोमबो 17 सेप्टेम्बरआव थाडेमोन, नाथाय आथिखालाव बेबादि जायाखे। बे बायदिनो हादतआव माखासे सानसिम अखा हाबावनो हागौ। बोथोर बिफाननि बादिल्ला, सोनाब बंगनि बोरीमानि साहायाव 17 सेप्टेम्बरआव चक्रबात बारहुंखानि सांग्रां जानायजों सान्जा भारतआव रोजा अखा हानो हागौ। सा आरो गेजेर भारतआवबो रोजा अखा हानो हागौ होन्नायै बोथोर बिफाना मिथि होबावदों। दिनेनिफ्राय 18 सेप्टेम्बरसिमनि गेजेरव सोनाब उत्तर प्रदेश आरो उत्तरखान्डनि माखासे बाहागोफोराव गोबां अखा हानो हागौ आरो उरिष्या, सोनाब बंगनि माखासे बाहागोफोरावबो अखा हानो हागौ। बोथोर बिफाना बुंबावोदि, सोनाब बंगनि बोरीमानि साहायि चक्रबात सोमजिखानायजों 18-19 सेप्टेम्बरआव उरिष्या आरो



सोनाब बंगनि गोबां ओन्सोलफोराव अखा हानो आरो जायगा जायगा रोजा अखा हानो हागौ। मध्य प्रदेश, उत्तर प्रदेश, उत्तरखान्ड, सान्जा खमायलानो हागौ। जम्मु काश्मीर, लाहाख आरो हिमाचल प्रदेशनि अनगायै सा सोनाब भारतआवबो 18

जैनपुर, एलाहाबाद, सुल्तानपुर, भदही, गाजीपुरआव गोखौ बार बारनायजों अखा हागासिनो। सोनाब उत्तर प्रदेशआवबो मौसुमि बोथोर सांग्रां जाना दड। □

सेप्टेम्बरसिमाव जायगा जायगा गेसं आरो रोजा अखा हानो हागौ। उत्तरखान्ड, सोनाब उत्तर प्रदेश, हरियाणा, सोनाब राजस्थानाव आवबो रोजा अखा हानो हागौ। उत्तरखान्ड आरो सोनाब उत्तर प्रदेशआव दाब-दाब जायगाफोराव गोबां रोजा अखा हानो हागौ। राजस्थाननि दिल्ली आरो उत्तर प्रदेशनि माखासे जिल्लाफोराव मौसुमि बोथोरनि जाहोनाव रोजा अखा हानाया सोलिगासिनो। बोथोर बिफाननि बादिल्ला बारणसी, जैनपुर, एलाहाबाद, सुल्तानपुर, भदही, गाजीपुरआव गोखौ बार बारनायजों अखा हागासिनो। सोनाब उत्तर प्रदेशआवबो मौसुमि बोथोर सांग्रां जाना दड। □

इउनिसेफआ इनफेक्सनजों गोहोम गोग्लैनाय हादतफोरखौ फरायसालि खुलिफिनो खावलायदों

मनीला, 16 सेप्टेम्बर: इउनिसेफआ इउनिसेफआ एजेन्सि इउनिसेफआ सोलोंथाय बिबानगिरिफोरखौ बुंदोंदि, बै हादतफोराव फरायसालिफोरखौ थाबैनो खुलिफिनो खावलायदोंदि, जेरव लाख-लाख फरायसाफोरा आथिखालाव 18 दानफोरनि उनावबो फरायसालियाव थांनो गनायथि मोनाखे। मख'जाथावदि, आथिखालावबो कभिड-19 इनफेक्सननि गोहोमआ दड आरो बेनि गेजेरवनो एजेन्सिआ उन्दै गथ'फोरनि फरायसालिफोरखौ खुलिफिनो खावलायदों। इउनिसेफआ बृहस्पतिबाराव फोसावनाय मोनसे रिपर्टनि बादिल्ला, दर 17 हादतफोराव फरायसालिआ आबुडैनो बन्द' जाना दड, फारसेथि दर 39 हादतफोराव फरायसालिया खावसे महैर बन्द' जाना दड। बैफोर जायफोराव फरायसालिफोरा फुरथैनो बन्द' जाना थानाय फरायसालिफोराव सरायनस्त्रायै फिलीपीन्स, बांलादेश, वेनेजुएल, सौदी आरब, यनामा आरो कुवेतनि दर 77 मिलियन फरायसाफोर दड। बे अन्जिमानि थाम बाहागोनि से बाहागोआ फिलीपीन्सनि, जाय एशियानि मादाव करनाजों बांसिनै गोहोम गोग्लैनाय हादत। बेफोराव सोलिफु सप्ताहयाव फरायसालिनि गोदान बोसोरा जागायनो नागिरदों। इउनिसेफआ फोसायदोंदि, बैफोर दर 6 हादतफोरनि फरायसाफोर

मुलुगनाडै सा 131 मिलियन फरायसाफोरनि खावसेनि बांसिन, जायफोरा फरायसालियाव फरायनाय बोसोरनि मोनथाम सिजनखौ करनानि जाहोनाव गाग्रि खालामखांबाय। इउनिसेफनि हाबाफारि बिथोनगिरि हेनरीटा फरआ बुंदोंदि, सोलोंथायाव खैफोदआ दासिमबो दडआरो सानफोरा बारलानायजों थाखोफोरनि सोलोंथाया खोमसि फारसे थांगासिनो दड। रिपर्टआव बुंनाय जादोंदि, फोरोंगिरिफोरनो कभिड-19 भेक्सिन थुनायखौ सिगांसिन थुग्रोनांगौ। फारसेथि बुंनाय जादोंदि, फरायसाफोर न'आवनो रैखाथि गोनांसिन बुंनाय जादोंदि, फरायसाफोर न'आवनो रैखाथि गोनांसिन जानो हागौ, नाथाय कम्प्युटर, मबाइल फन आरो इन्टरनेटखौ मोजाडै मोन्नो हानाय आरो सोलोंथायनि समानथि गैये गुण बायदि गिदिर सेलेन्जफोरजों मोगा-मोगि खालामनागासिनो। खौरनि बादिल्ला, फिलीपीन्सआव उन्दै गथ'फोरा इन्टरनेट सिगनेल मोन्नो थाखाय न' बिलिदंनि सात सायाव थांनंगौ जायो। थांनाय जुन दानाव हादतगिरि रइग दुतेतैया माखासे ओन्सोलफोराव मोगा-मोगि फोरोंनाय थाखोफोरखौ फिन जागायफिनानयनि गनायथि होनायनि बिथांखिखौ "आं उन्दै गथ'फोरनि सावस्त्रिजों जुवा गेलनो हाया" होना नेवसिगारदोंमोन। □

गोदान दिल्ली, 16 सेप्टेम्बर: आमेरिकाआ गासिबो सान्थि मावसुमाफोर, नोगोरारि बिबानगिरिफोर आरो ठिकादारफोरखौ हवानाआव आमेरिकानि थान्दै मावख 'नि थान्दै आरो संगालि एजेन्सि सिआइए बिबानगिरिफोरनो हवाना सिन्ड्रम बेरामनि रिपर्टखौ होनो बाश्चा बुंदों। बेखौ लानानै आमेरिकानि डिफेन्स सेक्रेटारि लायड आस्टिनआ लाइजाम लिस्टदों जाहाथे जायहा गोनाथि जायो बियो थाबैनो फाहामथाय मोन्नो हायो। जायखि जाया बुगिनांथाय बेरामि बिबानगिरिआ थाबैनो बै ओन्सोलखौ नागारानंगौ आरो गावनि सिनियर बिबानगिरिफोरनो गुबारेबाश्चाखौ फोरमायनंगौ। बावैसो समाव माखासे बिबानगिरिफोर मोनसे रोखोमनि बेरामजों भुगिनांदों। बेवहाय हवाना सिन्ड्रम बादि खर' सानाय, बिखा आलौनाय आरो खर' गिदिनाय बायदि लोक्षोनखौ मोनो मोन्नाय जादों। सिआइएनि डिफुडि डायरेक्टर

आमेरिकानि बिबानगिरिफोरनाव हवाना सिन्ड्रम बेराम जादों

गोदान दिल्ली, 16 सेप्टेम्बर: आमेरिकाआ गासिबो सान्थि मावसुमाफोर, नोगोरारि बिबानगिरिफोर आरो ठिकादारफोरखौ हवानाआव आमेरिकानि थान्दै मावख 'नि थान्दै आरो संगालि एजेन्सि सिआइए बिबानगिरिफोरनो हवाना सिन्ड्रम बेरामनि रिपर्टखौ होनो बाश्चा बुंदों। बेखौ लानानै आमेरिकानि डिफेन्स सेक्रेटारि लायड आस्टिनआ लाइजाम लिस्टदों जाहाथे जायहा गोनाथि जायो बियो थाबैनो फाहामथाय मोन्नो हायो। जायखि जाया बुगिनांथाय बेरामि बिबानगिरिआ थाबैनो बै ओन्सोलखौ नागारानंगौ आरो गावनि सिनियर बिबानगिरिफोरनो गुबारेबाश्चाखौ फोरमायनंगौ। बावैसो समाव माखासे बिबानगिरिफोर मोनसे रोखोमनि बेरामजों भुगिनांदों। बेवहाय हवाना सिन्ड्रम बादि खर' सानाय, बिखा आलौनाय आरो खर' गिदिनाय बायदि लोक्षोनखौ मोनो मोन्नाय जादों। सिआइएनि डिफुडि डायरेक्टर



डेविड एस कहेनआ बेराम जानाय बिबानगिरिफोरनि सोमोन्दै फोरमायदोंदि जों बेरामनि आन्जाद नायनायनि खाथियाव सौहेंदों। नाथाय आथिखालाव दासिमबो थांखि लानायनि खाथियाव सौहेंदो। बियो बेखौ क्लासिक संगालि जेना होना फोरमायदों आरो बुंदोंदि, बेयो मोनसे गिदिर जेना। बेयो जॉनि बिबानगिरिफोरनाव गोहोम खोखलेंदों। जों बेखौ सं दानगासिनो दं। माखासे

आमेरिकानि बिबानगिरिफोरा हवाना लादोंदि, बेनि उनाव माखासे हादतफोरनि संगालि एजेन्सिफोरा थाफादेरनो हागौ, जायना आलादा आलादा थांखि थानो हागौ। गुसु बोथोरनि दावहायाव सविथे संघआ बेबादिनो माखासे तुल बानायदोंमोन, जायनि थांखिआ बे गाग्लोबनायनि बायदिनो इसारा होदों। माखासे आमेरिकानि बिबानगिरिफोरा हवाना लादोंदि, रुसनि संगालि एजेन्सि जीआरइउआ हवाना

सिन्ड्रमखौ माखासे केसआव थाखोमानानै बाश्चा खोनासंनो थाखाय बाहायदोंमोन। नाथाय सोरखौबा जोखोम खालामनो थाखाय बाहायाखे। बेबादि थासारियाव बेनि उनाव रुसनि आखाय थानो हागौ होन्नाय हवाना लानाय जादों। जुलाइ दानाव सिआइएनि बिथोनगिरि उइलियम जे बर्न्सआ फोरमायदोंदि, हवाना सिन्ड्रमनि गासै 200 था केस दंमोन, जेरव खावसेआ एजेन्सि मावसुमाफोरजों सोमोन्दो दंमोन। □

सुखु-दुखुआ नौनि आंनि गेजेराव

श्री बिजयसिं बसुमतारी

हानथिनाय आंनि जिउ लामायाव लोगो मोनफैबाय आं नौखौ दुखु दाहाजों बुंफबनाय नौनि जिउमा नैबे मायाजों बुंफबनाय संसारनि लांगोनायाव ।
समायना रमायना बिबार आरो सिखिरि मुलुग संसाराव हास्थायो सासेआ सासेनि अन्नाय लालायना खालामनो रंजा बाजा आगोमा मोजोमसेल' जिउआव दुखु दाहानि गेजेरजौब्लाबो ।
फोरमायदोंमोन जेबोला आं नौनो मोजां मोन्नायनि फंसे खोथा, आंनि थार गोबौनिफ्राइ नाथाय, दुखुथिया नौनि जिउआदि सानाखैं गोसो थोलायनो । थेवब्लाबो सानाखैं नौं आंखौं नेवसिनो, सान्दों गोबौंआव लाबाय थानो, जेरावखि थाडा गोसो खानो, मोदें गबाय थानो आंखौं सानानै । फोरमायबावदों हांमा सुरनांनय हानि जोनोम ।
फोरमायनाय नौनि जिउनि दुखु दाहायाव आंहाबोथ' गोरबोआव गाबखांदों- बोहैंदों जेराव जरासे नौनि मेगननिफ्राइ निजोरा गोसोखाडे गारबोनाय नौनि बै अनखर ।
साना आंभोथ' बावगारनो, नौनोहो होजोबनो नौनि दुखु दाहा हांमा रंजानाय गाबनाय-मिननाय । बाजि जौखोन्दोआनो दड आंनि गोबौंआवबो नौनिनो हांमा सुरनांनय ।
नुनाय बायदि मोनो आं दाबोनों साया माया आंनि मेगन फैसालियाव नौंखौनो । मुलुगा बेलथायब्ला बेलथायलांथों सोलायसुला मिथिंगाया सोलायो, सोलायबाय थाथों । नाथाय आंनि हांजों गोरबोखानाय बे नौनि जिउ जारिमिनखौं आसार दानि दुखारु अखा, दै बाना सारन्थायाबो हानाय नडा सुया लांनो, बोहैखार लांनो आरो जिंघि मोदा होनानै आनदाय होनो ।
हान्थिनाय आगानफ्रामावबो बोनाय खुनफ्रामबो हांआवनो जाखांफैयो नौनिल' मुं नौनिल' महर आरो फोरमायनाय नौनि बै सुफुंख' हायै जिउनि खौरांफोरा जेरावखि जाया अराय सम । नुस' मोनै लैथोनि फारनै रुगुनिफ्रायब्लाबो बावा आं रानलायनो गिलु बालु लैथोनि दोहौंजों गाबखानाय नौनि गोबौं सिंनि गुथालखौं ।

नों सानसेब्लाबो आंजों फै

अलंबार मुसाहारि, अदालगुरि, बागसा सिमला

नों बे लामाजोंनो फैगोन बुंदोंमोन बुंवावदोंमोन फैनानै गावनि रजेखो लोगो हमगोन गोसो गोबौनि खोथा बुंफुरलायगोन इयुन जिउ हान्थिलानायनि खोथा लानानै ।

ओंखायनोथ' जाहारबारिखौं दानसांदोंमोन आंबो गोबौं सिखा आरो रुवाजों समायना गोजोन देरा लुनो थाखाय ।

बे हायावनो बुकुल बिफां आरो कृष्ण सुरा बायदि बिफांबो गायदोंमोन जिरोन लानानै जिउनि मॅनायखौं मॅगाहोनो थाखाय ।

मिथिंगाखौं समायखां होबावनो जबा बिबार, गेन्दे, आलामान्दा बायदि रोखोमनि बिबार सिमानि फारफ्रोमबो दिगावनो गायदोंमोन ।

सामु खांखाइ नाफोर गेलेने हांसो दाउफोराबो आदार खनजानो फुखि गंसे जावना होदोंमोन आं ।

गुबुन जोहोलाव जोहोलावजोआ जिरायनाय बादिनो साजायना दोन्दों खुन्थिया थरैनि थोरनि न' ओजों जिं हजों जिं बेरा होनानै ।

बे न'नि सिखव गंसे आरांगायाव गिलास आरो दैनि जग आपेल, थालिर बायदि जामुनि फिथाइ आरोबाव बहि आरो खाखोर बिलाइ

नाथाय नौंखौं दिनैसिम नुनो मोनासै आंनि गुबैथि मेगनजों नौनि मोन्नाइनि सेरे जान्जि दालिम फिथाइनि रिथि रिथि हाथाइ फुरनिमा गावदां महरनि खावलाय औवा मेवाइनि मद' आदे आरो आरोबाव नौनि गुबैथि महर ।

दासानाव साजायना दोननाय सिमांफ्रा सेवबायब्लाबो मिजिं थिदों नों सानसेब्लाबो आंजों फैगोन फैनानै सुखुनि बार बिररलांहोगोन ।

रंजालि गथ' फोरनि सौरा

ईस्वर चन्द्र बिद्यासागरनि सल' जथायनि साया लानानै

सुजुगिरि:- अनु राणी बसुमतारी

मो नसे हाजोनि

गाहायाव सासे मानसिया माखासे बोरमा गुमगासिनो दंमोन । मासे सिखा बाजोया गोजौ आव बिर बाय थानायनिफ्राय मासे बोरमा गोलेखौं नुहु रानानै बेखौं साबखानानै हाजो सायाव बिरखो हैबाय । बेखौं नुनानै मासे दाउखा दन्दाया सानबाय आंभोथ' मासे बोरमाखौं बिब्दिनो साबखानानै लांनो हागौ । सिखा बाजोया हायोब्ला आं मानो हाया ।

बिब्दि सानानै बियो मासे बोरमानि सायाव बानानै खेबखानो नागिरबाय, नाथाय बिनि आर्थिनि आसुपुरा बोरमानि खोमोनाव थाबथानानै थाबाय । दाउखा दन्दाआ गिनानै गा गा हजिबाय आरो जिउनि थाखाय गाबखावबाय । बोरमा गुमग्राया दाउखा दन्दानि बिब्दि जाथायखौं नुनानै मिनबाय आरो



दाउखाखौं हमनानै गां हास'नानै होबाय । मोनाबिलि जाब्ला न'आव बोरमाफोर जों लोगोसे लांफाबाय । बोरमा गुमग्राणि फिसाफ्रा नुनानै सोंबाय, "आफा बियो मा दाउ ?" बोरमा गुमग्राया बुंबाय, नोंसोर मा सानो ? बियो सिखा बाजो नामा ? आंलाय बेखौं दाउखा दन्दासो बुडे ।
बोसोन: गावनि बोलोखौं मोन्दानो रोंनांगौ ।

सिन्दुर

नौनि आथिं खालानि हादियानो आंनि खाफालनि गोजों सिन्दुर नौनि आथिंजों दावगानाया आंनि खाफालनि सिन्दुर अराय जोरनानै थानायनि खाबु । नों जोहोलावआ दावगायाब्ला सोरथो आंनि थाखाय दावगाबावनो नोंबोथ' लुबैयो ना जोहोलाव ? बर' बिमानि जौंथि सिन्दुरखौं अराय खाबथाना दोननो अरायबो फुजिबाय थानो । बे मुलुगाव नों बायदि जोहोलाव रावखौंबो नुलिया माथो नोंबो फावसयब्ला, आथिडव हाद्री फोनाडा जासे थाब्ला- अब्ला आंनि खाफालआव माबारे फुनहोनो सिन्दुरखौं ? नों दावगायाब्ला आं दुखु मोनगोन, नों सौफाय सौंफियै आगान सुर आं दं जोहोलाव, नौनि जुजिनायाव नों अरायबो देहासारगोन । आंनि खाफालनि सिन्दुरखौं गोजों दोनगोन । नों मिथिगौने ? सिन्दुरनि बेसेनखौं नों अनखाडे आरो बर' बिमाखौं नों मान लाखियोने हारिखौं अब्ला नों दावगानांगोन ।

मिच अन्जना देवी उपाध्याय

जिउआ दान्दिसेल'

हाथायसालि बे बिहुं संसाराव जिउआ दान्दिसेनि थाखायल', अराय समनि थाखाय नडा । सम जाब्लानो थॉफिननांगो जायो बयबो मुलुग संसारखौं नागारना । गिनानै रावबो गनाय नडा- मुनुस मायाफोर । हांखायहरदोंसे हनै जम राजाया सोरगोनि लांगोनायाव नेनानै । बारग'नो सानब्लाबो गनाय नडा राहा गैया जैरेबो समा सौंफेब्ला थानांगो जायो बयबो मुलुगखौं नागारना गिनानै मुलाम्फा गैया- मुनुस मायाफोर । थानांखागोन बयबो सानसे बेलासे- बे फैलाव बुहुमखौं नागारना जम राजानि राज अन्दराव । गिनानै रावबो गनाय नडा मुनुस मायाफोर । नेनानै दं हनै जम राजाया- सोरगोनि लांगोनायाव ।

मुश्री थपन बरगयारी गामि- बासबारी जिला- चिरां बि टि सि आसाम ।

खोला आफ्रिका दावबायनायाव भारतारि हान्जाजों गोदान कच थाफागोन, रबि शास्त्रिआ मासि एंगारसिगोन

गोदान दिल्ली, 16 सेप्टेम्बर: टि-20 मुलुग कापनि उनाव भारतारि हान्जानि खोला आफ्रिका दावबायनायाव हान्जानि गाहाय कच रबि शास्त्रीजों लोगोसे खायासे कचिं मावफारियाफोरा थानाय नलिया । शास्त्रीआ टि-20 मुलुग कापनि उनाव रदाय खानाया थुं गेहेंगोन । बियो भारतारि सामलाय आफाद (बिसिसिआइ) नि खोला आफ्रिका दावबायनायाव रदायखौ सिगां होनायनि थांखिलाइखौ फे लें खालामना होदों । बेबादियाव खोला आफ्रिका दावबायनायाव भारतारि हान्जायाव गोदान कच थिसननांगोन । गेलेमु वेबसाइट इनसाइट स्पटर्स आ बिसिसिआइनि सुलु'खौ लानानै खौरां होदोंदि, टि-20 मुलुग कापनि उनाव रबि शास्त्रिआ बिसिसिआइनि माखासे दानफोर सिगां होनाय रदायनि थांखिलाइखौ नेवसिदों । बेबायदियाव भारतारि क्रिकेट सामलाय



आफादआ कच थिसननायनि थाखाय आर'ज खालामनो हागौ । खे'फोरथियाव दाबि खालामदोंदि, राहुल द्राबिडआ नेसनेल क्रिकेट एकाडेमिनि गाहाय मासिखौं सामलायदों । बेबायदियाव बियो भारतारि हान्जानि कच जानाय नडा । फारसेथिं खोला आफ्रिका दावबायनायनि थाखाय बिजों सावरायलायनाय आरो सावरायलायैखौ बेनि फोरमान मोन्नाय जायाखैं । खोला आफ्रिका दावबायनायाव भारतारि हान्जाया खेबथाम टेस्ट मेचफोरनि सिरिजनि अनगायै खेबथाम सानसेयारि आरो खेबब्रै टि-20 मेचफोरनि सिरिस

गेलेगोन । सेथि टेस्टआ 17 डिसेम्बरनिफ्राय जागायजेनगोन । बेयावनो जोबथा टि-20 मेचआव 2022 माइथायनि 16 जानुवारीखालि गेलेफुंजागोन । मख'नो गोनांदि, रबि शास्त्रिआ 2017 माइथायनिफ्राय भारतारि हान्जानि कच जादों । 2019 आव बिन रदाय खानायखौ सिगां होदों, जेराव टि-20 मुलुग कापनि उनाव जोबगोन । रबि शास्त्रि आरो भिरात कहलनि गेजेराव भारतारि हान्जाया टेस्ट मेचआव गुबुन हादतनि स्टेडियमआव मोजांथारै गोखों गेलेना दिन्थिदों । अस्ट्रेलिया दावबायनायाव हान्जाया अस्ट्रेलियाखौ फे जेनानै

सिरिजखौ आंजिदों । बेयावनो इलेन्ड दावबायनायाव खेबबा टेस्ट मेचफोरनि सिरिजआव 2-1 जों सिगांदों । गिबि खेब खुं'फु'नाय वर्ल्ड टेस्ट सेम्पियनसिफनि फाइनालआव हान्जाया सौहैंदों । फारसेथिं निउजिलेन्डजों हान्जाया जेन्नो गोनां जादों । रबि शास्त्रिनि कच बिबान सामलायनायाव भारतारि हान्जाया खेब 43 टेस्टआव खेब 25 टेस्ट मेचफोरखौ देरहादों । बेयावनो सानसेयारियाव खेब 76 आव खेब 51 मेचखौ देरहादों । लोगोसेनो टि-20 आव भारतआ खेब 60 मेचआव खेब 40 मेचफोरखौ देरहादों ।

मोदैनि लैथो

आं जाबाय बैथा गैयै दिडारि बेसेबांवा दाहार लैथोमाजों हगारनाय । हां मोनलाया जाबाय आं सहायनो हादिया लैथोमानि गोरा बारनि दोहै । आय' अनसुलिनि लोगोसे बै रुगुडाव गोजोन फुरियाव, आलो आलो गेलेनो अराय सानैजों अन्नाय बै गोजोन देरायाव जाय मिजिंखौ लानानै नोंजोंनो लोगोसे, नोंबो रंजा रंजा गेलेदोंमोन आंनि दिडआव मानिबा फाव फान्दायना । मिथिस' मोनदिया आं माब्ला गहब खन्दा मोनो, नौनि अन्नायनि हायना सारफ्रावनायाव अब्ला नों गोदान सोरनि मिजिडव आंनिफ्राय गोजानाव जानगार लाडे । आं जानाडे आलाय-सिलाय हालाय-हाफाय सौंसिख' हाया, आं मोदैनि लैथो । थेर बेथेर जानो आंनि दिड गहब खुन्दायाव गबना आलाय-सिलाय जायो आं मिजिं अब्ला आं गबनाडे सौंसिख' हायै बेसेबांवा गोथो इनाय खैसारनि "मोदैनि लैथो ।"

मुसि दैमालु मोसाहारी गामि-एल्लैगारि

(1 बिलाइनिफ्राय)

मिरुनि दै गोहो बिफाननि मन्थिनि नुजाथिफेनायाव सा-सान्जा सुबुं देहा आरो कारिकरि बिफाननि मन्थिफोरजों सावरायलायदों

थाखाय मिरु दै गोहो बिफाननि मन्थि गजेन्द्र सिं शेखावतखौं जर'खायै साबायख'र बाउयो । जल जीवन मिसनखौं मोनसे गोनांथार बिथांखि होन्ना मख'नानै गिबि मन्थिआ गाहाय मन्थि नेन्द्र मदिआ 2024 माइथायनि गेजेराव गामि ओन्सोलनि नख'फ्रोमबो सुबुंफोरनो पाइपजों गोगो लोंग्रा दै जगायनायनि जाय थांखिखौं थि लादों बे थांखिआ देहाजों लोगोसे जेनाफोरखौं फोजोबस्नानानै भारतबर्षखौं गावखौं फोथायनाय हादर महरै सोरजिनायल' नडा, मुलुगनि गाहाय मासिआव थागोन होन्नानैबो गिबि मन्थिआ बुडे । गिबि मन्थिआ गावनि बिबुंथियाव बुंथिबावदोंदि, बे बिथांखिखौं मावफुंनायनि थाखाय मिरु सरकारआ फुजि, कारिकरि हेफाजाब आरो गुबुन गुबुन गासैबो हेफाजाब मदद होदों । बेनि थाखायनो सा-सान्जानि राइज्योफोराबो जुथायै बे थांखियाव सौहैनो थाखाय खामानि मावगोन । गिबि मन्थिआ बुंथिबावदोंदि, बिथांखिनि सिडव लुफुंनाय गुदि बिथाखौं गोखों खालामनायनि सायावबो गोनांथि होदों । गाहाय मन्थि नेन्द्र मदिआ आइजोफोरजों लोगोसे खायसे बाहागो लाग्राफोरखौं बे बिथांखिखौं सामलायनायनि थाखाय लोब्बा खालामनायनि थांखिखौं गिबि मन्थिआ हामलायथि बाउदों । आसामआ बे बिथांखिखौं मावफुंनायनि बिथिडव माखासे बिबानि उन जानानै थादोंब्लाबो थानाय 3 दानआव बिथांखिखौं गोखौंनो मावफुंनायनि बिथिडव गोबां बिबाडव जाफुंसारागोन होन्नानैबो बुडे । आगस्ट दानआव आसामआ सानफ्रोमबो 6700 निबो बांसिन नख'रिफोरनो बे बिथांखिनि जोहै फोनांजावनो हादों । बेराफसँ राइज्योनि मोन 800 साहा बागाननि सरासन्हा सुबुंफोरखौं बे बिथांखिनि जोहै लाफानायनि थाखाय राइज्यो सरकारआ जर'खा थांखि लादों होन्नानैबो गिबि मन्थिआ बुंथियो । बेबादिनो फरायसालि आरो अगनबादी मिरुफोरनिसिम बे बिथांखिनि खाबुखौं गथायनायनि बिथिडव राइज्यो सरकारआ जर'खा सिगांग्रो खामानि मावदों होन्नानैबो गिबि मन्थिआ बुडे । थानाय 3 दानआव राइज्यो सरकारआ मोनथाम सुबुं देहा कारिकरि बिफाननि सिडव संमन्डल दाफुंनायनि अनगायै दानफ्रोमबो बियो गावबो जिल्ला बॅगिरिफोरजों बिथांखिनि गुबुन गुबुन बिथिडव जौगाखांहोनायनि थाखाय सावरायलायबोदों होन्नानैबो बुडे । बिथांखिनि सिडव 2024 माइथायनि गेजेराव 100 जौखोन्दो गामि ओन्सोलनि नख'रिफोरनो नालानि जोहै दै जगायनायनि थांखि लादों होन्नानैबो थिखानाय समनि सिगाडवनो आसामआबो बे थांखिआव सौहैगोन होन्नानैबो गिबि मन्थिआ मिजिंधिदों । गावनि बिबुंथियाव गिबि मन्थिआ गाहाय मन्थि नेन्द्र मदिआ सा-सान्जानि राइज्योफोरनि गासैबो जौगानायनि सायावबो गोनांथि होदों । लोगोसेनो आसामजों लोगोसे सा-सान्जानि राइज्योफोरनि गुबुन गुबुन बिथिडव मोन्नाय जौगाखानाय आयदाफोरखौंनो सावरायलायदों । दै गोहो बिफाननि लोंग्रा दै आरो खिख'रसालि बिफाननि नेहाथारि पंकष कुमारआ बराय बिबुंथि होदोंमोन । दिनैनि बे जथुम्मायाव आसाम, अरुनाचल प्रदेश, मनिपुर, मेघालय, मिजराम, नागालेण्ड, त्रिपुरानि सुबुं देहा कारिकरि बिफाननि मन्थिफोर फारिययै रन्जित कुमार दास, वांकि लवां, लोशि दिक्कौ, रेनिकटन लिंड टंपार, पु तनलुइया, जेकभ जिममी, शुसान्त चौधुरी आरो सिक्किमनि सुबुं देहा कारिकरि बिफाननि गाहाय नेहाथारि आरो जल जीवन मिसन बिथांखिनि गाहाय सामलायगिरिफोरजों लोगोसे खायसे बिबानगिरिफोरा बाहागो लाफेदोंमोन ।

गोजाम बिल मोन्नांगौखौं लानानै बड'लेण्ड हायुडारि गौथुमनि मावखुलिआव थिकादारफोरनि दुहाव थासाारि

मावफुंदोंब्लाबो दिनैसिम गावसिनि मोन्नो गोनां बिलफोरखौं मोनफुंनो हायाखै । जायनि थाखाय दिनै गावसिनि मोन्नो गोनां बे बिलखौं हरनांगोनि दाबिजों जौसेनि बांसिन थिकादारफोरा बड'लेण्ड हायुडारि गौथुमनि मावखुलिआव थुबुर जाफेनानै खुद्रिखांदों । थिकादार गौथुमआ दिनै बिटिसिआव खुद्रिफेनायनि गेजेरजों प्रिन्सिपाल सेक्रेटारिनि आखाइयाव सोलिफु बिटिआरनि लेडाइ गाहाय खुंगिरि गबिन्द चन्द्र बसुमतारिनिमिस गोसोखां बिलाइ गथायो । थिकादार गौथुमआ अजद होनाय बादिब्ला, बिटिआरनि गोबां थिकादारफोरा बिटिसिनिफ्राय एसअपिडि फान्डनिफ्राय माखासे थिकाफोरखौं मोन्नो हादोंमोन । थिकानि गोरोबथा बादियै थिकादारफोरा मावनो गोनां गासै थिका खामानिफोरखौं आबुडै मावफुंजोबदों । नाथाय दुखुनांथावदि, थानाय 2015 माइथायनिफ्रायनो बिटिसिनि गासै बिफाननि सिडव मावनाय खामानिफोरनि बिलफोरखौं दिनैसिम मोनफुंनो हायाखै । बिटिसिआ थिकानि गोरोबथा बादियै मोन्नांगो बिलफोरखौं थि समाव होयाखै होन्नानै अजद होबाबो थिकादार गौथुमआ । बेजों लोगोसेनो जुदि सोलिफु बिटिआर सरकारआ थाबथानानै थानाय मोन्नो गोनां बिलफोरखौं होनायनि राहा लायाब्ला थिकादारफोरा आइननि राहा लागोन होन्नानैबो हुमखि होयो । मख'जाथावदि सिगांनि बिपिएफ दैदेनाय बिटिसि सरकारनि समाव गासै बिफानआव खमैबो 3000 कौटि रं बिलफोरा आद्रा थालांदों । बे थालानाय बिलफोरखौं थिकादारफोरनो हरनांगोनि बिबानआ दा सोलिफु बिटिआर सरकारनि आखाइयाव गोलेदों । बेराफसँ थिकादार गौथुमनि सोद्रोमाफोरा सिगांनि गोजाम बिलफोरखौं हरलालसे गोदानै खामानि मावनायफोरनि बिलखौंसो हरनो सिगांदों होन्नानैबो अजद होदों ।

गसाइगाव जिल्ला आफाद विपिएफनि गोदानै सायख'जानाय बिबानगिरिफोरा समायखिरा लाबाय

मावफारिया अमरद्वीप रयनि आफादगिरि मासि सामलायनायाव खुंफुंजानाय मेलआव गोदानै दाफुंजानाय जिल्ला आफादनि आफादगिरि-नेहाथारिफोरजों लोगोसे साफ्रोमबो सोद्रोमाफोरखौं समायखिरा लाहोयो बारग' आफादगिरि आरो गागि दैदेनगिरि किरन चन्द्र बसुमतारिआ । समायखिरा लाहोनानै बसुमतारिआ बुंथियोदि, बिपिएफ दोलोनि फासँ राइजो-राजाफोरा गोबां थामोन्था दड आरो बे थामोन्थाखौं थि लाखिनानै दोलो आरो राइज्योनि सार्थ'आव खामानि मावलांनो गोदानै दाफुंजानाय दोलोखौं खावलायो । गोदानै सायख'जानाय आफादगिरि आरो आगुनि आफादगिरि सवाराम बसुमतारिआबो गावनि बिबुंथियाव बुंदोंदि, बिपिएफ दोलोआव रावबो सुबुडा जर'खा खामानिनिफ्राय जानगाराव नडा । बेयाव दोलोनि मोनफ्रोमबो थाखोनि मावफारियाफोरनो समान मोन्थाय होनाय जायो । दोलोनि साफ्रोमबो दैदेनगिरिफोरखौं लानानै सिगांलांगोन । फैगौ उफ्रा बिसायख'थिखौं लानानै मावफारियाफोरखौं लानानै थियारि जानो खावलायनानै आफादगिरिआ बुंथिबावदोंदि, थानाय खेबन्नं समनाडै देरहानाय बादिनो बे खेबआवबो बिपिएफ दोलोआ देरहागोन । दिनैनि बे मेलआव आगुनि मावफुं सोद्रोमा आरो एमसिएलए मृतुन्जय नाजॉरि, एमसिएलए रहिन्द्र ब्रह्म, आगुनि नोगोर आफादनि बिबानगिरि धुब' कुमार ब्रह्म नाजॉरिमोनजों लोगोसे दोलोनि गोबां गागि दैदेनगिरि आरो मावफारियाफोरा नुजाथिदोंमोन ।

हादत उदांसिनि 75 बोसोर नाडै नो जौगाखां बिथांखिफोरा बाक्सानि झारबस्तिमिसम सौहैनो हायाखै

सुबनखाटा फोनांजाबग्रा लामायाव दिनैसिम गंसेबो मोजां दालां गैथैनि जाहोनाव हान्था-मेलानि मबडव गोबां जेनाफोरजों मोगा-मोगि जानांबोदों । दिनैबो पाग्लादिया देसानि गेजेरजों बे ओन्सोलनि सरासनस्त्रा राइजो-राजाफोरा हान्थिनांगो जायो । एसे खा हाब्लानो हान्था-मेलया बन्द' जानानै थायो । जरखायै लामायाव दालां लुफुडैनि थाखाय 108 एम्बुलेन्सआबो ओन्सोलाव हाबनो हाया । जायनि उडनाव बेरामिफोरखौं फाहामथायनि थाखाय बानखानानै 3-4 किल'मिटर जान्थायसिम लांनो गोनां जायो । बेनि अनगायैबो दैसायाव दै बाडोब्ला फरायसालिनि फरायसाफोरा गोबां जेनाजों मोगा-मोगि जानांगो जायो । मख'नो गोनांदि हग्रामा महिलारी दैदेनाय बि टि सि सरकार 17 बोसोर खुंथायाव थानाय समावबो बे ओन्सोलनि हान्था-मेलानि बिथिडव जौगाखानाय फैयासै । जायनि जाडनाव गिदिर ओन्सोलनि सरासनस्त्रा राइजो-राजाफोरा दिनैबो हान्था-मेलानि मबडव गोबां जेनाजों मोगा-मोगि जाबोनांदों । बे बिथिडव आधिखालनि बि टि सि सरकारनिमिसम हान्था-मेलानि बिथिखौं मोजां खालामनो थाखाय ओन्सोलनि राइजो-राजाफोरा कावलायहरदों ।

(1 बिलाइनिफ्राय)

गुवाबारि गोर्खा आइजो जौगाखां आफादनि बानजायनायाव गिबि 'तीज' फोर्बो खुंदों

फोर्बो, हरिमुआ मोनसे हारि एबा माहारिनि आइना । हरिमुआ मोनसे हारिखौं दैदेनो । राजखान्थिया समाज सिफायाओ नाथाय हरिमुआ समाज दायो । मोनसे हारिनि मोगथां जिजनि सावगारि, थासारिखौं नुनो मोनो हरिमुनि आइनायाव । बिदिनो तीर फोर्बोआव गर्खा हरिया बिसोरनि माहारियारि गाननाय जोमनाय हरिमुआ रोखायै बेरखाडे । माहारियारि गाननाय जोमनायजों बाइदि बाइदि रोखोमनि मोसनाय-रंजानायजों बे हाबाफारिखौं खुंफुंनाय जायो । बे हाबाफारियाव गुबुन गुबुन हाबा हरनाय फिसाजोआ न'आव फेनानै बे तीज हाबाफारियाव बाहागो लायो बिमा बिफानिआव बोर् बियो । मुखनांगोन बिमा-फिसा गासै आइजो माहारिया ज' जानानै साफ्रोमबो फिसायनि गोलाव जिउ हास्थायनानै गसायनिमिस बोर् बियो । बे हाबाफारियाव गुबुन गुबुन जायगानिफाय फेनानै गोबावनि उनाव ज' जाना लोगो मोनलायफिननाय बे थासारिया इमसनेल बिदिन्थानि गेजेरजों बाबेनो आरो रंजानाय मोसानायजों बे समखौं थांहोयो ।

13 बोसोरनि हिन्जावसाखै आयेन बेरेखायै देहायारि सोमोन्दो लाखिना गोर्बोबथि खालामदों

गुगैथाव हाबा मावनानैबो सानजौ सांग्रां उदाडै बेरायथिबाय थानाय आयेन बादियै जेरैबायदियै राहा लानांगौ बेबायदि लानायखौं नुनो मोनाखै । बेराफसँथि हिन्जावसानि नख'रनि रंखान्थियारि लोरबांथिखौं खाबु लानानै नख'रनि सुबुंफोरखौं सिगि-सग' खालामना दायनिगिरिफोरखौं माखासे आफादफोरा रैखाथि होनायनि अजद सिखारदों । लोगोसेनो हिन्जावसानि नख'रनि सुबुंफोरखौं सिगि-सग' खालामनानै डि एन ए आन्जाद खालामनो मोन्नाय नडा होन्नानैबो गोखों रावजों हुमखि होदों होन्ना नख'रनि सुबुंफोरा फोरमायथिदों । एरैथिंजाय ओन्सोलनि सांग्रां नोगोरारिफोरा दायनिगिरिखौं नांगौ रोखोमनि साजा होनांगौ होन्नानै पुलिस खुंथानिसिम दाबि दैखांदों ।

दिनै कालाइगावआव गेदेस्थार भेक्सिन थुनाय हाबाफारि

कालाइगावआव दिनै 5000 निबो बांसिन सुबुंफोरखौं कभिड भेक्सिन थुनायनि हाबाफारि लादों होन्नानै कालाइगाव सार्कल बिबानगिरिनि मिनाभां देबि अरमआ मिथिहोदों । मख'नो गोनांदि फैगौ दुर्गा फुजा,लक्षि फुजा आरो कालि फुजा मन्डपफोराव आर'ज गाबनाय, फुजा खालामनाय लोगोसे बेरायथिनाय बायदिफोरखौं नोजोर होनानै साफ्रोमबो सांग्रां नोगोरारिफोरजों लोगोसे राइजो-राजाफोरखौंनो कभिड भेक्सिनखौं लानो थाखाय गुरैयै खावलायदों । मख'नो गोनांदि कालाइगाव मडेल देहा फाहामसालि पुथिमारि, भक्तपारा आरो भेकुलि कान्दा सावस्ति मिरुनि सिडव थानाय गासै 24 मिरुफोराव भेक्सिन होनायनि हाबाफारि लादों । मख'नो गोनांदि दिनैनि गोथार बिश्वकर्मा फुजाजों लोब्बा लाखिनानै रज्यो सरकारा गेदेस्थार भेक्सिन होनायनि हाबाफारि लादों । बेनिखायनो जायफोरा सैथि करना भेक्सिनखौं लायखै बिसोरखौं भेक्सिन लानो थाखाय कालाइगाव सार्कल बिबानगिरिया खौरां बिजॉनि गेजेरजों खावलायहरदों ।

माजबातआव गोबां बिबांनि गान्जा हमदों

कि:जि: गान्जाजों लोगोसे सासे आइजोखौं हमनो हायो । सुलुंनिफ्राय मिथिनाय बादिब्ला माजबात पुलिस थानानि बिबानगिरि सुनिल सरकार आरो ए एस आइ रहित कुमार सेत्रिनि दैदेनायाव मोनायाव मोनसे संगालि सुलुंनि गेजेरजों थानानि बेंखनाव थानाय आदर्श बाहादुर गामिनि थागिबि रुपलाल बसुमतारीनि न'नि लांगोनायाव थानाय गंसे न'आव सिग्रोमनानै खमैबो 8 कि:जि: गान्जाखौं हमनो हायो । लोगोसेनो बेजों लोब्बा थानाय रुपलाल बसुमतारीनि बिसि कनिका बसुमतारीखौं गावनि न'आवनो हमनो हायो । आधिखालाव कनिका बसुमतारीआ गान्जाखौं अरुणाचल प्रदेशनिफ्राय लाबोनानै फान्ना थाखाय लाबोदों होन्नानै सिमान जायो । पुलिसआ कनिका बसुमतारीनि सायाव 92/2021 नम्बरनि गसर थिसन्नानै दिनै उदालगुरि जिल्ला बिजिरसालियाव हाजिर खालामनानै आइजोखौं जौबथेसालियाव दैथाय हरो होन्नानै मिथिनो मोन्नाय जादों ।

आइ दैमायाव गव 'नदों सासे लाइमोन

जाथाया । मिथिनो मोननाय बादिब्ला चिरांनि बिजनी महखुमानि सिडव थानाय 1 दक्षिन माखा गामिनि थागिबि गावबुरा मतिन मजुदार आरो मिना मजुदारनि सासेल' फिसाज्ला खगेन मजुदार(24) मुंनि लाइमोना लोगोफोरजों जोनोम साननि पाटिं जानो हग्रामा दालांनि साखाथियाव थादोंमोन । बेवहायनो गुबुन सासे लोगोजों दैयाव दुर्गैनाय समावनो आइ दैमानि बिखायाव गोदोयो कगेन मजुमदारआ । बेलासि 3 रिंगासो समाव जादों जाथाया । जाथायखौं खौरां मोननायनि उनावनो एसडिआरएफनि मोनसे हान्जाया नागिरगसिनो थादोंब्लाबो 24 घन्टा बारलानायनि उनावबो मोनाखै खगेन मजुमदारनि गोथै देहा । नख'रनि सासेल' फिसाज्ला खगेन मजुदारआ दक्षिन माखा दालाइ आखासुनि आफादगिरिनि बिबानबो दंमोन होनना मिथिनो मोननाय जादों । जाथाया ओनसोलनाडैदुखु मोनहोदों ।

बाकसानि सुबनखाटायाव उदांश्री काप प्राइजमानि जोलुर बादायलायनाय,

6-2 गलाव चामता स्पर्ट्स क्लबाबि देरहाब्लार

बाक्सा, 16 सेप्टेम्बर: बाक्सा जिल्लानि भारत-भुटान सिम सेरनि सुबनखाटा गोजौ फरायसालिनि गेलेग्रा फोथाराव थांनाय 10 सेसेम्बरनिफ्राय नर्थ इष्ट क्लबाब, सुबनखाटानि बानजाइनायाव सोलिबाय थानाय उदांश्री काप प्राइजमानि जोलुर बादायलायनायनि दिनैनि 7 थि खेलाखौं गेलेयो चामता एफ सि, आरो धलकुसि ट्राइबेल संघआ ।अखा हानायनि गेजेरावबो मोननैबो हानजाया खेलानि गिबि समनिफ्रायो गोबां नारिनाथा जुजिलायदोंमोनब्लाबो गिबि हाफआव मोननैबो हानजाया लाथिखयैने खेलाखौं फोजोबो । नैथि हाफआव गोबां नाजानायनि गेजेरजों चामता एफ सिआ धलकुसि ट्राइबेल संघखौं 6 गल सोनायनि हंथायै धलकुसि

ट्राइबेल संघआ से गल सुखना गुवाहाटी आरो रयाल ब्रदाय, गजोनग्लायनो गोनां जायो । दिमाकुसिनि गेजेराव गेलेनाय गाबोननि खेला आसाम वारियर, जागोन ।

तामुलपुरआव लामानि जाब्रबथायाव सासे सुबुंनि जिउ खहा, सासे जोखोम

तामुलपुर, 16 सेप्टेम्बर: रामेसुबुरिनि थागिरि होन्नानै मिथिनो मोन्नाय जादों । नाग्रिजुलिनिफ्राय रडिया फासँ फैबाय थानाय ए एस-01- बि पि-6679 नम्बरनि सुइफ्ट डिजायार गारि गंसेजों तामुलपुरनिफ्राय रामेसुबुरिसिम थांबाय थानाय मटर साइकेलजों मोगा-मोगि हरखाबै सौग्रावलायनाय जाब्रबथाय सोमजिदोंमोन । बेयावनो हलधर दासआ जाथायसालियावनो जिउ गोमायो आरो जोखोम जानाय सिरन्जब दास (18) होन्नानै सिरन्जब दास (18) होन्नानै सिनायथियो । बिसोर सानैखौं फाहामसालिसिम दैथाय हरो ।

(1 बिलाइनिफ्राय)

129 बेटेलियन सिआरपिएफ हान्जाया बिफां फुलि गायदों

जोंनो हां लानायनि एबा थानानै थानायनि गोहोखौं हायो । बेनिखायनो जों बयबो बिफां-लाइफांखौं रैखाथि होनायजों लोगोसे बिफां फुलि गायनानै गोगो आबहावानि थासाारि लाखिनांगौ होन्नानै मख'यो । लोगोसे ओन्सोलनि सुबुंफोरखौंनो गावबा-गावनि जायगाफोराव बिफां फुलि गायनो थाखाय बिथोन हायो । दिनैनि बे बिफां फुलि गायनाय हाबाफारिआव लेडाइ कमान्डेन्ट अजय दैबेदी, शिब कुमार झा, नैथि कमान्डेन्ट राजनीस कुमार पाठक, रवि मिश्रामोनजों लोगोसे गोबां जवानफोराबो बाहागो लाफादोंमोन ।

इउनाइटेड लिबारेसन फर बड'लेण्ड मुनि हाथियार लाग्रा गोदान बिग्रायारि आफादनि जोनोम

सावरायनो थाखाय हाग्रानिफ्राय ऑंखारबोफिन्याया 1 दान जास्लाबै समनि गेजेरावनो आलादा बड'लेण्ड राइज्यो दाफुंनायनि थांखिजों फिन जोनोम मोनफिनबावदों इउनाइटेड लिबारेसन फर बड'लेण्ड मुनि बिग्रायारि आफादआ । दिनै आफादआ गांसे रादाव बिबुंसारनि गेजेरजों ससेल मिडियाआव इउनाइटेड लिबारेसन फर बड'लेण्ड उदांसि सोमावसाग्रा आफादनि जोनोम जानाय एबा दाफुंनायखौं फोसावदों । गांसे रादाव बिबुंसारनि गेजेरजों इउएलबिआ लिरहरदोंदि, गासैबो सरकारि मावख'गिरि, सरकार आरो गासैबो भारतयारि सुबुंफोरखौं लोगोसे गुबुन गुबुन हादरयारि सुबुंफोरनोबो रोखायै फोसावनाय जायोदि, खोसैयै बड'लेण्ड उदांसि सोमावसाग्रा (इउनाइटेड लिबारेसन फर बड'लेण्ड) आ हाथियार दैनानै आलादा बड'लेण्ड राइज्यो सोरजिनो जुजिग्रा मोनसे आफाद । बर'फोरहा प्रागज्यतिस्पुर एबा कामरुप राइज्योनि थागिबि हरि, जायखौं जों आधिखालाव आसाम मुडै मिथियो । नाथाय जेब्लानिफ्राय बर' राजनि खुंथाय गोहोआ जोबदोंमोन अब्लानिफ्रायनो गुबुन हारिनि सुबुंफोरा जॉनि राव, हरिमु, धोरोमखान्थि, समाजखान्थि, राजखान्थि, रंखान्थि, सोलौंथाय बायदि बायदि बिथिडव गादबबोदों एबा नासयबोदों । वै समनिफ्रायनो बर'फोरबो आलादा राइज्यो सोरजिनो थाखाय जुजिबोफिन्दों । जायजों बर'फोरा बुहुमाव उदाडै थानानै थानो हायो । बर'फोरबो गुबुन हारिनि सुबुंफोरबादि मोजां मान होजानानै थानानै थानो लुबैयो । बेनिखायनो आसामखौं 50/50 जौखोन्दो बोखावनानै आलादा बड'लेण्ड राइज्यो सोरजिनानै होनो थाखाय भारत सरकार आरो आसाम सरकारनिमिसम गोख्रोडै दाबि दैखाडे । मानोना बे हाया जॉनि हा आरो बे हाखौं जॉनो नांगो । बेनिखायनो 15/09/2021 खालारआव खौसैयै बड'लेण्ड उदांसि सोमावसाग्रा मुडै गोदानै हाथियार दैनानै सोमावसाग्रा मोनसे आफाद दाफिन्नाय जायो । जॉनि गामिआ जेब्लामिस मोखथों महर मोना अब्ला जों जॉनि जिउ जोबजासिम जुजिलांबाय थागोन । हारि आरो हादरनि थाखाय जौंखौं जिउ बाउनो हो नाथाय जॉनि थाखाय नडा होन्नानै रादाव बिबुंसारनि गेजेरजों फोरमायहरदों । मख'नाय जायोदि, इउएलबिनि गायसनगिरि महरै बि मोखथां, लेडाइ महरै बि खोसैथि, सनितपुर जिल्लानि डिस्ट्रिक्ट कमान्डार बि मोब्लाव, धेमाजि जिल्लानिफ्राय डि मोखथां, चिरां जिल्लानिफ्राय बि रेरुव, बाक्सा जिल्लानिफ्राय बि मैब्रुब, कक्राझार जिल्ला बि सौखुब, धुबुरी जिल्लानि बि हांखायमोननि दैदेनायाव बे इउएलबि बिग्रायारि आफादआ दाफुंजादों ।

बिटिआराव बड'लेण्ड पिग मिसननि गेजेरजों रांखान्थि बिथिंआव जौगाहोनायनि बिथांखि; नाग्रिजुलियाव बनि सांग्रांथियारि मावबादा

राकेस ब्रह्म बिथांआबो गावनि बिबुंथिनि गेजेरजों, ना फालांगिरि फोरनो बाइक राननानै होगोन, ना फिसिनाय आरो दिहुन्थायखौं बांहोनाय आरो गाव सुंथा आफादनो अमा फिसानायनि राहा खालामना होनानै अमा फिसिनाय आरो बिटिआराव अमानि दिहुनथायखौं बांहोनानै सानसेयाव 1 लाख कि.ग्राम खालामनाय आरो बैखौं बायजो राइजोआव फानहरनानै बिटिआर ओनसोलनि रांखान्थि बिथिंखौं दावगाहोनायनि मिसन लानानै खामानि मावगसिनो होनना मोनथिहोयो । बनि थाखाय साफ्रोमबो अमा फिसिग्रा गावसुंथा आफादनि जायफोर बे खाबुखौं मोननो हागोन बनिथाखाय सोलोनो गोनां आरो रॉनो गोनां माखासे आदबनि गोनांथि दं । बनिथाखायनो दिनै बे नाग्रिजुलि बिबाबनि सिडव थानाय नाग्रिजुलि फोरॉंगिरि नक्लांआव अमा फिसिनायनि सांग्रांथि मेल खुंनाय जादों होनना मोनथिहोदों ।

टंला सोहोराव 100 बिसिना गोनां मडेल देहा फाहामसालि फसंनो प्रमद बर'नो गोसोखां बिलाइ गथायदों

दैखांदों । मख'नो गोनांदि उदालगुरि जिल्लानि तंला सोहोराव सुबुं सानखोखौं नोजोरथिनानै देहा सिबिथाय होनाय बिथिडव आंखाल सोमजिनायखौं नोजोर होनानै तंला सोहोराव गोदानै 100 बिसिना थानाय गंसे मडेल देहा फाहामसालिखौं लुफुना होनो थाखाय ओन्सोलनि राइजो-राजाफोरा दाबि दैखांदों । गुबुन फासँथिं 64 नं पानेरि बिधान सभा बिबाब आरो बि टि सिनि कालिंदुवार बिबाबनि सिडव थानाय खेला जंगलपारायाव थानाय 57 नं दाकनि 27 बिघा हा आरो 58 नं दाकनि 32 बिघा हानि गासै 56 बिघा हायाव गंसे 100 बिसिना गोनां मडेल देहा फाहामसालि लुफुंनो थाखाय कच-राजबंशी फरायसा आफादा दाबि दैखांनयजों लोगोसे गांसे गोसोखां बिलाइखौं बि टि सिनि गाहाय मावफुं सोद्रोमा प्रमद बर'नो गथायो ।

अनिल कापुरआ गावनि सायाव सौंथि सौंनाय इउजारफोरनि सायाव फिन्नाय होदों

गोदान दिल्ली, 17 सेप्टेम्बर: बलीउड स्टार अनिल कापुरआ सम-सम गावनि फिटनेसखौ लानानै खौरांफोराव थाबाय थायो। सम-सम बिन फिटनेसखौ लानानै सशेल मिडियाआव सावरायलायनाया जाबाय थायो। 64 बोसोरनि अनिल कापुरखौ सुबुंफोरा नुनायाव 25 बोसोरनि हमदाडे। बेबायदियाव माखासे इउजारफोरनि बायदिल्ला अनिल कापुरआ लाइमोन नुहोनो थाखाय जिबौनि थैखौ लोडे आरो माबेबा प्लास्टिक सार्जार्जिजों लोगोसे थायो। आथिखालआव बे सौंथिनि सायाव अनिल कापुरआ



आरबाज खाननि टक श्व' Pinch आव रिप्ट खालामदों। अनिल कापुरआ आरबाज खाननि टक श्व' Pinch आव बाहागो लादों, जेराव बियो गावनि फिटनेसजों सोमोन्दो गोनां माखासे थाखोमाना थानाय बाश्राफोरखौ

फोरमायदों। आरबाज खाननि टप श्व'आव अनिल कापुरआ गावनि जिउजों सोमोन्दो गोनां माखासे गोमोथाव सौंथिफोरनि फिन्नायखौ होदों। आथिखालाव आरबाजआ अनिल कापुरनो बे श्व'नि मोनसे सेगमेन्टआव जेब्ला

माखासे सुबुंफोरनि रिकर्ड खालामनाय भिडियफोरखौ दिन्थियो अब्ला बियो हरखाबे गोमोयो। रिकर्ड खालामनाय भिडियआव सुबुंफोरा बयनिखुइबो बांसिन अनिल कापुरनि फिटनेसखौ लानानै सौंथि सौंदों। भिडियनि जागायजेनायाव सुबुंफोरा अनिल कापुरनि बैसोनि थाखोमाना थानाय बाश्राफोरखौ हमदाडे आरो उनाव गावसोरनो क्रिटिसाइज खालामनायै बिन फिटनेसनि थाखोमाना थानाय बाश्राखौ फोरमायनाय नुनो मोनो। बे समाव सासे सुबुइ बुडे आं हमदाडेदि, बियो (अनिल कापुर) माबेबा

प्लास्टिक सार्जार्जिजों लोगोसे थायो, जेराव गुबुन सासे सुबुइ सान्दोंमोनदि, बियो ब्रह्माजिनि बोर मोन्दों। बेनि उनाव 3 थि उजारआ बुंदों अनिल कापुरआ लाइमोन नुहोनो थाखाय जिबौनि थै लोडे, बेनो बिन फिटनेसनि थाखोमाना थानाय बाश्रा। इउजारफोरनि सौंथिफोरनि भिडियखौ नुनायनि उनाव अनिल कापुरआ मिनियो आरो आरबाजनाव सौंनानै बुडे बे सौंथिया थार ना नोंथांमोनहा रां होनायै बिसोरखौ बेबायदि बुहोंदों? बेनि सायाव आरबाजआ मिनानानै बुडे बे गासिबो बिबुंथिफोरान्गुबै।

गाहाम देहानि राहा दुनजियानि रसआ गुफुं देहाखौ खम खालामो


गुफुं देहाखौ खम खालामनो हानायनि माखासे रहाफोर: (1) दुनजियाआव थानाय गुनाय गुफुं देहा आरो उदैन मेजेमखौ खम खालामनायआव मदत खालामो। दुनजियानि रसआ देहानि मेटाबलिज्मखौ सामलायो, जायनि जाहोनाव देहाआव थानाय उफ्रा मेजेमखौ खम खालामनायआव मदत मोनो। (2) दुनजियानि रसआ बडिखौ डिटक्स खालामनायव मदत खालामो। बेखौ लोब्ला देहानिफ्राय टक्सिन्सआ बायजोआव ओंखार लायो। बेनि जाहोनाव इनफेक्सनिन खैफोदआ खम जायो। (3) दुनजियानि



रसखौ लोब्ला इमिउनिटिआ गोखौ जायो। बेनि रसआव थानाय एन्टि अक्सिडेन्टआ देहायाव फ्रि रेडिकेल्सखौ खम खालामनायव मदत खालामो। जायनि जाहोनाव बेरामनि खैफोदआ खम जायो। (4) दुनजियानि रसखौ बाहायबला ब्लाड सुगारनि लेबेलआ खम जायो। बेयो जरा-जरा सानाय सुनायखौ खम खालामो। बेजों लोगोसेनो देहाखौ हाइड्रेट

लाखियो आरो देहायाव दैआ खम जाया। (5) दुनजियानि रसआ दोगोन खान्थिखौ गाहामै लाखियो। बेयो दोगोन खान्थिनि जेनाखौबो जानगार खालामनायाव मदत खालामो, जायजों दोगोन खान्थिया मोजां रोखोमै हाबा मावयो। (बेखौ बाहायनायनि सिगां डक्यारनि सुबुरुन लानांगों)।

सारा आली खानआ आरोबाव गावनि सोमोनांथाव फिगारखौ दिन्थिदों



गोदान दिल्ली, 16 सेप्टेम्बर: फावखुंघि सारा आली खानआ गावनि मालद्वीप ट्रिनिफ्राय हट आरो सेक्स सावगारिफोरजों लोगोसे इन्सटाग्रामआव दोहौ सोमजिखों होदों। बे खेबआव आरोबाव बियो इन्टरनेटआव दोहौ सोमजिहोनायै मोनसे भिडियखौ सेयार खालामदों, जेराव बिखौ अरायसमनि बायदिनो गोबां समायना नुनो मोन्दों। बे भिडियआव बियो मोनसे लेबेन्डार प्रिन्टेड बिकनी गानदों जायखौ थफिजों लोगोसे सरजाबनाय जादों। बे भिडियआ जेब्लानिफ्राय सिसियेल मिडियाआव सोराडव फेदों अब्लानिफ्रायनो बिन फेन्सफोरा बेखौ नोजोर होदों। बे भिडियआव सारा आली खानखौ लैथोमा आरो सुबुंफोरनि गोसोखौ बोनो थाखाय सान हाबनायनि सीनजों लोगोसे सुइमिं पुलनि सेरआव गसनाय नुनो मोन्दों। रुल मसनआव बानायनाय भिडियनि बेक ग्राउन्डआव सारा आरो ब्लिजनि केसनि मिउजिकखौ खोनानो मोन्दों। बे भिडियजों लोगोसे मिउजिकआ बेखौ आरोबाव गोमोथाव बानायनायनि हाबाफारि मावदों। भिडियआव फिनजाथाय होनायै माखासे फेन्सफोरा साराखौ अन्याय होदों आरो बाखायदों। सासे इउजारआ लिरदों, इउ बिउटिफुल, इउ गर्जियास, इउ परी। जेराव गुबुनआ कमेन्ट खालामदों लाभ इउ सारा। 3थि इउजारआ कमेन्ट खालामदों ड्रप डेड गर्जियास माइ गार्लें।

राज कुन्दानि केसआव मुम्बाइ पुलिसआ शिल्पा शेड्डी आरो शार्लिन चप्र्राखौ साखि बानायदों

गोदान दिल्ली, 16 सेप्टेम्बर: फावखुंघि शिल्पा शेड्डीनि फिसाइ राज कुन्दानि हेँथायै मुम्बाइ पुलिसआ चार्जशीट फाइल खालामदों। 1500 लेखा बिलाइनि बे चार्जशीटआव गासै 43 साखिफोरनि मुंखौ होनाय जादों। साखिफोरनि बे फारिलाइयाव शिल्पा शेड्डी आरो शार्लिन चप्रानि मुडबो दंफादेरो। मख'नो गोनांदि, बे बोसोरनो 19 जुलाइयाव मुम्बाइनि स्पेशेल क्राइम ब्रान्चनि हान्जाया शिल्पा शेड्डीनि न'निफ्राय गोब्राव सौंथि सौंनायनि उनाव बिन फिसाइ राज कुन्द्राखौ ग्रेप्टार खालामदोंमोन। राजनि सायाव अस्लील सावथुनफोरनि फालांगिजों सोमोन्दो थानायनि दाय दड। खौरांनि बायदिल्ला चार्जशीटआव आरोबाव सा 2 दायनिगिरिफोरनिबो मुं दड। यश ठाकुर एबा अरबिन्द श्रीवास्तव जाय जेना गोनां महै सिंगपुरआव थायो आरो राज कुन्द्रानि बिनानावनि फिसाइ प्रदीप बख्शी जाय लन्दनआव थायो। शिल्पायाबो गावनि



बिबुंथियाव बिनानावनि फिसाइखौनो बेफोर गासिबोनि दायनिगिरि होन्ना फोरमायदोंमोन। फारसेथिं क्राइम ब्रान्चआ दाबि दैखोंदेंदि, यश ठाकुरनि मुडा सासे दायनिगिरि तनवी हाशमीनाव सौंथि सौंनाय समाव सोराडव फेदों। जाय जेना गोनां महै गावनि निउफिल्क्स एप्पनि थाखाय अस्लीलनि मुवा बेसादफोरखौ मोनहोदोंमोन। रिपर्टनि बादिल्ला, पुलिसआ ठाकुर आरो हाशमीनि गेजेराव चेट रिक्ड आरो बेंकनि लेन्देननि फोरमानखौबो मोन्दों। पुलिसआ दाबि दैखोंदेंदि, अस्लील

सावथुनफोरजों कुन्द्राया आगस्त आरो डिसेम्बर 2020 नि गेजेराव एप्पलनि एप्प स्टारआव गावनि हटसटस एप्पनि गेजेरजों बाहायगिरिफोरनिफ्राय जेना महराव 1.17 कौटिनिफ्राय बांसिन रांखौ आरजिदोंमोन। केसखौ नायबिजिरनाय समाव राज कुन्द्रानि लेपटपनिफ्राय मुम्बाइ क्राइम ब्रान्चआ गासै 68 एडलड मुबिफोरखौ मोन्दोंमोन। बेनि अनगायै राजआ आइफनजों गावनि आइ क्लाउड एकाउन्टखौ डिलीट खालामदोंमोन। आथिखालाव क्राइम ब्रान्चआ आइक्लाउडखौ रिट्रीब खालामबाय।

आमिर खाननि बडीगार्डआ कम्पानीनि सिइअनिफ्राय बांसिन सेलारीखौ मोनो

गोदान दिल्ली, 16 सेप्टेम्बर: बलीउड स्टारफोर एरैबायदि मुंदांखा जायोदि, बे स्टारफोर सुबुंफोरनि गेजेराव सोरबा सिक्वुरिटीखौ लांफायालासे ओंखारनो गोहो गैयै जायो। जुदि खान सुपारस्टारफोरनि बाश्राखौ बुडोब्ला थांनाय सानफोराव शाहरुख खान आरो सलमान खाननि बडीगार्डफोरनि फीसखौ लानानै गोबां खौरांफोरा मिडियाआव फोसावजादों। सुबुंफोर बेखौ मोनथिनो गोसो जादोंमोनदि, थारैनो आमिर खानआ बडीगार्डनो गावनि रैखाथिनि थाखाय बेसेबां रं हरो। मख'नो गोनांदि, आमिरआबो माखासे स्टारफोर बायदिनो गोबां रांखाथिखौ होयो। आमिरनो सिक्वुरिटी होरा बडीगार्ड जाय कौटि-कौटि रं आरजिजो बियो स्कुल ड्रपआउट खौरांनि बायदिब्ला आमिर खाननि बडीगार्ड युवराज घरपडेनि बोसोरनि सेलारीआ 2 कौटि रं। आमिरखौ रैखाथि होनायनि थाखाय बियो फुरायै 2 कौटि रांखौ लायो। आमिर खाननि



रैखाथि होरा युवराज घरपडेआ सासे स्कुल ड्रपआउट आरो 16 बोसोर बैसोयाव माखासे गोमोथाव हाबाफारि मावनायनि उनाव बियो रैखाथि एजेन्सिआव बाहागो लायो। युवराजनि सोमोन्दै बुनाय जायोदि, बियो बडी बिर्डिल्लेआव केरियार बानायनो हास्थायदोंमोन। नाथाय उनाव बियो आमिर खाननि पार्सनेल सिक्वुरिटी जानायाव बाहागो लायो। 2011 आव एक्सप्रेस ट्रिब्युननो होनाय मोनसे इन्टरभियुआव युवराजआ बुंदोंमोन आंनि इयुनआ

खोमसियाव दडमोन मानोना आं गावनि मोगथाडरिखौ रैखाथि होनो थाखाय गोमोथाव हाबाफारि मावदोंमोन जेब्लासिम आं 9 बोसोर सिगां बे सिक्वुरिटीआव बाहागो लानायनि थांखि लायाखेमोन। युवराजआ बुंबावो आथिखालआव आं सुपारस्टार अमिर खाननि बडीगार्ड जादों आरो आंनि माखासे लोगोफोरा बे बाश्रानि सायाव हिंसा सायोदि, आं मोनप्रेमबो समावनो एसेबां गिदिर स्टारजों लोगोसे बेरयो।

दिलीप कुमारनि टुइटारआ बन्द जासिगोन


गोदान दिल्ली, 16 सेप्टेम्बर: बलिउडनि रंसारि जानाय मुंदांखा फावखुंघुर दिलीप कुमारनि मावख'आरि टुइटार एकाउन्टआ बन्द जासिगोन। दिलीप कुमारआ रंसारि जानायनि उनाव आथिखालाव सायरा बानुआ बिन टुइटार एकाउन्टखौ बन्द खालामनो थांखि लादों। मख'नो गोनांदि, दिलीप कुमारनि टुइटार एकाउन्टखौ फेजल फारुखीआ सामलायोमोन, नाथाय आथिखालाव बियो टुइट

खालामनाने बेनि सोमोन्दै फेन्सफोरनो खौरां होदोंदि दिलीप कुमारनि एकाउन्टखौ नखर'नि सुबुंफोरा बन्द खालामनो थांखि लाबाय। दिलीप कुमारनि बुंथिगिरि फेसल फारुखीआ बेनि सोमोन्दै टुइटनि गेजेरजों खौरां होनायै बुंदोंदि, गोबां सावरायनायनि उनाव आरो सायरा बानुजीनि गनायथिजों आं अन्जालु दिलीप कुमार साबनि बे टुइटार एकाउन्टखौ बन्द खालामनो थांखि लाबाय। नोंथांमोननि

अननाय आरो हेफाजाबनि थाखाय साबायख'र। दिलीप कुमारनि मावख'यारि टुइटार एकाउन्टखौ बन्द खालामनो फोसावनायनि उनाव फावखुंघुरनि फेन्सफोरा नखर'नि बे थांखिखौ सम्मान होनायै आरोबाव खनसे गावसोरनि हास्थायगिरि फावखुंघुरखौ गोसोखांदें। मख'नो गोनांदि, दिलीप कुमारआ 7 जुलाइआव रंसारि जादों। फावखुंघुरआ थांनाय माखासे बोसोरनिफ्राय बैसोजों सोमोन्दो गोनां बेरामजों


भुगिनांदोंमोन आरो बियो सहरनि हिन्दुजा देहा फाहामसालियाव जोबथा हां बोदोंमोन। फिसाइआ रंसारि जानायनि उनाव सायराया दासिमबो दुखुआव दड। थांनाय माखासे सान सिगां सायरायनि देहाया गात्रि जादोंमोन, जायनि उनाव बिखौ देहा फाहामसालियाव थिसन्याय जादोंमोन। मख'नो गोनांदि, दिलीप कुमारआ 1966 आव सायरा बानुजों जुलि जादोंमोन। दिलीप कुमारआ सावथुन बैरग,

दुनिया, गपी आरो सगीनायाव सायरा बानुजों लोगोसे हाबाफारि मावदों।



इन्काम टेक्स बिफाननि हान्जाया सनु सुदनि न'आव सौहैदों

गोदान दिल्ली, 16 सेप्टेम्बर: बलीउड फावखुंघुर सनु सुदनि मुम्बाइआव थानाय न'आव दिने आरोबाव इन्कामटेक्स बिफाननि बिबानगिरिफोरा सौहैदों। बेनि सिगां बुधबारआव फावखुंघुरजों सोमोन्दो गोनां गासै मोन 6 सम्पातिफोरखौ सार्भे खालामनाय जाखांबाय, जेराव बिन चैरिटी बेरलड अफिसआबो दंफादेरो। मिडिया रिपर्टनि बायदिल्ला आइटि हान्जाया सनु सुदनि मोनसे रादाय खानायखौ लानानै नायबिजिरदों, जायखौ बियो लक्ष्मीनि गांसे रियेल इस्टेट कम्पानीजों लोगोसे खालामदों। सनु सुदखौ लानानै सोलिनाय आइटि



बिफाननि नायबिजिरनायाव एनडीटीभिनि मोनसे रिपर्टनि बायदिल्ला सनु सुद आरो लक्ष्मी बेस्ट रियेल स्टेट फर्मनि गेजेराव खालामनाय मोनसे रादाया आइटि जादोंदि, बे रादाय खानायाव

टेक्स खानायनि दायनिगिरिनि उनाव बे नायबिजिरनायखौ खालामनाय जादों। बे अपारेसनखौ सार्भे बुंनाय जादों। बेनि अनगायै सनु सुदनि न'आव इन्काम

देक्सनि नायबिजिरनायखौ राजखान्थि गाबबो होनाय जादों। बावैसो समाव सुन सुदआ दिल्ली सरकारनि मोनसे प्रजेक्टनि ब्रान्ड एम्बेसाडर जादों। माखासे सुबुंफोरा बे नायबिजिरनायफोरखौ बेजोंनो सरजाबनानै नोजोर होदों। मख'नो गोनांदि, कभिड-19 इनफेक्सन गोसोरनाय समाव निखाउरिफोरखौ मदत खालामनायखौ लानानै सनु सुदआ गोबां खौराडवा थादोंमोन। जायनि थाखाय बियो सरानसा सुबुंफोरजों लोगोसे माखासे स्टारफोरनि बाखनायनायखौबो मोनखांबाय।

गुजरातआव गोदान सरकारनिसा चीनआ आरोबाव गोख्रों गागलोबग्रा 24 मन्थ्रिफोरा समायखिरा लादों आखुयै सोरांआव फैगोन : जेनेरेल राबत

अहमेदाबाद, 16 सेप्टेम्बर : गुजरातआव बिजेपिनि दैदेनगिरिआ सोलाइ सोल' खालामयाखै नाथय अनगायै मोनसे रोखोमनि गोदान सरकारखौ बानायदों। बिजय रुपाणीनिक्राय बिबान एंगलायनायनि लाइखौ लानानै भुपेन्द्र पेटेलखौ सिएम बानायनायनि उनाव आधिखालाव फुरा मन्थ्र आफदाओनो गोदान जादों। दिने भुपेन्द्र पेटेलनि मन्थ्र आफदाआव बाहगो लानो गोनां गासै 24 मन्थ्रफोरा मासिनि सोदयै समायखिरा लादों। बेवहाय नितोनी पेटेल, भुपेन्द्र सिं चुडारुमा बायदि मुंदांखा मन्थ्रफोरजों लोगोसे रुपाणीनि हान्जानि रावनिबो महारा गैफादेर। गिबि खेब एमएलएल



जानायनि उनावसो सिएम जानाय भुपेन्द्र पेटेलनि बायदिनो बिनि हान्जायाव बांसिन गोदान महफोरग दंफादेरो। बेनि अनगायै पाटीदार हरिखौ गोबां गोनांथि होनानै बिजेपि लिडारसिपआ बांसिन मन्थ्रिखौ बे हरिनिफ्रायनो सायख'दों।

गोदान दिल्ली, 16 सेप्टेम्बर : मोनथामबो सान्थ्रि हान्जाफोरनि गाहाय जेनेरेल बिपिन राबतआ बुंदोंदि, फैगौ समाव चीनआ आरोबाव बांसिनै गोहो गोरयै आरो गागलोबग्रा आखुनि जाना नुजाथिगोन। बेखौ नोजोर होनानै जां आरो मुलुगआ थियारि खालामनांगोन। मख'जाथावदि जॉनि हादतनि सिमाया चीनजों नांजाबनाय, बेनिखायनो जोबोर सांग्रांथियै थानांगोन आरो थियारि खालामनांगोन। जॉनि थाखाय फारनेथिबो सेलेन्स गोनां। सोनाबहा पीकस्तान आरो साहा चीन, फारनेथिबो सांग्राडे थानांगोन। बिथाड बुंबावोदि, चीननि हेफाजाबजों पाकिस्तानआ भारतनि हेंथायै नंखाय दावहा नांगसिनो। बियो जम्मु काश्मीरआव नंखाय दावहा नांगसिनो, पान्जाव आरो माखासे गुबुन ओन्सोलफोरगव बेबायदिनो दावहाखौ जागायनो नाजागासिनो। चीनआबो हादतनि सा सिमनायाव गावनि खैसार सानाय आखुखौ दिन्थिबाय थायो। बे बायदि गागलोबनायफोरखौ टेक्निकनि गेजेरजों जुजिनंगोन। बेनि



थाखाय मोनथामबो सान्थ्रि हान्जाफोर लोगोसेयै हाबाफारि मावनांगोन। बेनि थाखाय थियारिखौ जागायबाय। सेलेन्सफोरजों जुजिनो थाखाय जों गावनि अखांमा गोहोखौ आरोबाव बांहोनांगोन। बेनिखायनो रकेट हान्जाखौ दानो थियारि खालामनाय जादों। जेनेरेल राबतआ बे हान्जानि सोमोन्दै गुवारै खौरै होनो नेवसिगारदों। फारसेंथिं थाखाय मोनथामबो सान्थ्रि आयदाआव जेनेरेल राबतआ बुंदोंदि, राबबो सानाखै मोनदि तालिबानआ एसेबां गोखेयै फुरा हादतखौ दखल खालामना लागोन। समआ गासैबो रोखा खालामगोन। जों खालि धैज्ययै नेनानै थानायनि गोनांथि दड। जो मिथिथायिदि, आफगानिस्ताननि इयुना मा जागोन। बेयावनि थासारिया आरोबाव सोलायगोन, नाथाय

महन भागबतआ जम्मु काश्मीरआव अक्टबरआव दावबाय हैगोन

गोदान दिल्ली, 16 सेप्टेम्बर : आरएसएस गाहाय महन भागबतआ फैनो गोनां दानाव जम्मु काश्मीरआव दावबाय हैगोन। जम्मु-काश्मीरनिक्राय आर्टिकल 370 आरो 35 ए आ जोबनायनि उनाव महन भागबतनि बेयो गिबि दावबायनाय। सुलुनि बादिब्ला, महन भागबतआ 1-3 अक्टबरनि मिरुजों खुंजानाय राइज्योआव 3 सान दावबाय हैनाय समाव मेलेम जिबिफोरजों लोगोसे सावरायलायगोन। मिरुजों खुंजानाय राइज्योआव मेलेमजिबिफोरजों लोगोसे जथुमा खुंनयनि अनगायै



आरएसएसनि सामलायगिरि भागबतआ हाबाफारि मावनायआव बिजि जाना थागोन। मानोना बे 2 बोसोरनि गोबाव समनि उनावसो बेवहाय दावबाय हैदों। करना इनफेक्सननि जाहोनाव थानाय 2 बोसोराव महन भागबतआ खम दावबायदों। आर्टिकेल

370 आरो 35 ए खौ फोजोबनायनि उनाव मिरुजों खुंनय राइज्योआव करना इनफेक्सननि जाहोनाव गिबियाव बियो दावबाय हैनो हायाखै। आरएसएसनि सिनियर बिबानगिरिया बुं बियो सरासन्ता महरै 2 बोसोराव खनसेल' राइज्योआव दावबाय हैयो। नाथाय कभिडजों सोमोन्दो थाना प्रटकलनि जाहोनाव बेनि दावबायनाया सिमा गोनां जादोंमोन। आरएसएस गाहायआ जम्मु काश्मीरआव हाबाफारि मावनाय फोसावदि खालामग्रा आरो आरएसएसजों सोमोन्दो थानाय फसंथाननि गाहायजों लोगो हमगोन आरो हा सा बाहागोनि थासारिखौ नायबिजिर हैगोन।


चीननि आखुआ थगायसुला



ओन्सोलाव गावसोरनि गोहोखौ गोख्रोंसिन खालामनायआव नांथाबदों आरो लामानि हाबाफारिखौ गोखै मावदों। मोनसे रिपटनि बादिब्ला, देपसां ओन्सोलाव गुदि बिथा बानायनायखौ लाखिनांनयाव भारतनि फारसें चीननि नंगुबै थांखि लानायखौ फोरमायो। चीनआ गासिनि लामाखौ गुवार

गोलै जायो। मख'नो गोनांदि, थानाय बोसोराव सान्जा लाहाखुआव दावराव दावसि जानायनि उनाव जेंना गोनां ओन्सोलाव गोजोनखौ लाखिलांनो थाखाय दरनै हादतफोरनि गेजेराव माखासे खेब सान्थ्रिनि थाखोआव सावरायलायनाय जादों आरो दरनैबो हादतफोरनि गेजेराव डिसेइंगेजमेन्टनि सायाव गनार्याथि लायदोंमोन। रिपटआव फोरमायदोंदि चीन सान्थ्रि पिपलएनि गेजेरजों गुदि

मेगननि जेंनाफोरा डिमेन्सियानि जेंनाखौ बांहोयो : संदानाय



गोदान दिल्ली, 16 सेप्टेम्बर : ब्रिटिस जानैल अफ अथलमलजीआव सोबखानाय मोनसे गोदान संदानायनि बादिब्ला बैसोर्जों सोमोन्दोगोनां मेगननि बेराम, मेगननि नुनाय गोहो आरो डायबिटिसजों सोमोन्दो गोनां मेगननि बेराम डिमेन्सियानि जेंनाजों लोब्बा दड। मेगननि नुथाय गोहो गोमालानाया डिमेन्सियानि गिबि लोक्षोनफोरनि मोनसे जानो हागौ। मानिनाय जायोदि, नुनो हानाय गोहोआ खम जाडेब्ला डिमेन्सियानि जौगाखानाया बांसिन जानो हमो। माखासे संदानायाव बेखौबो मिथिनो मोन्दोदि, डिमेन्सिया आरो मेगननि नुनाय गोहोजों सोमोन्दो गोनां थासारिफोरनि गेजेराव मोनसे सोमोन्दो थानो हागौ। जाय नुनाय गोहोआ खम जानाय, डायबिटिसजों सोमोन्दो थानाय मेगननि बेराम, उलुकमा आरो गोसोखानायाव लेहेम जानाय बायदि जेंनानि जाहोन जानो हागौ। बेफोर मेगनजों सोमोन्दो गोनां थासारिफोरनि केसआ बैसोर्जों लोगोसे बाययो। जैरे डायबिटिस, हाइ ब्लाड प्रेसरा, बिखानि बेराम डिप्रेसन आरो स्ट्रक बायदि थासारिफोर दड, जायफोरा डिमेन्सियानि थाखाय खैफोद गोनां होना गनाय जादों। बेयो रोखा नडदि, बेफोर बेगनजों लोब्बा गोनां थासारिफोरा गाहायैनो डिमेन्सियानि जेंनाजों लोब्बा दं ना गैया। बेखौ नायबिजिरसो थाखाय संदानगिरिफोरा 55-73 बोसोर बैसोनि सा 12,364 बैसो गोरफोर डेयखौ नायबिजिरदों, जेराव बेखौ मोन्दोदि, मेगनजों लोब्बा गोनां जेंनाफोरा डिमेन्सियानि जेंनाखौ बांहोयो।

गोर्बो थानाय समाव जौ लॉब्ला गथ'आ मेलेम गैयै जायो

गोदान दिल्ली, 16 सेप्टेम्बर : गोर्बोआव थानाय समाव आइजोआ जौ लॉब्ला बिनि गथ'आ मेलेम गैयै आरो माखासे गुबुन गुबुन बेरामनि मैहुर जानांनो हागौ। जायनि जाहोनाव उन्दै समनिफ्राय थानानै बैसो गोरा जाजासिम गुबुननि हेफाजाब लानानै जिउ खानांगौ जायो। डाक्टरनि बादिब्ला गोदान मुगानि लाइफ स्टाइलाव गावखौनो मडान मुगानि फोरमान खालामनो थाखाय आइजोफोराबो जौखौ लोगो आरो बेनि बेसेनखौ बिनि जोनोम जानो नागिरनाय गथ'आ भुगिनाडे। बे बेरामखौ फिटल एल्कहल सिन्ड्रम बुंनय जायो। आइजोनि प्लेजेन्टानि गेजेरजों



एल्कहलआ गोर्बोआव थानाय गथ'सिम सौहैयो आरो बे गथ'आ बेरामनि बे'खनथायाव गोरलैयो। गथ'नाव जोनोम जानायनि उनाव मेलेम गैयै बादि लोक्षोनखौ नुनो मोनो। गथ' गोलैआ लासै लासै देरनायजों हाइपरएक्टिव जायो। माखासे आखुखौ सोलॉनाय आरो बुंनयाव जेंना जायो। फीटल एल्कहल सिन्ड्रमजों लोगोसे जोनोम मोन्याय गथ'नि मोखानि महरावबो गोहोम गोरलैयो।

पेरिस अलिम्पिकआव आंनि रेकर्डखौ फेलें खालामनो नाजागोन : नीरज चप्रा



कलकाता, 16 सेप्टेम्बर : बावैसो दान सिगां थुंगेलानाय टकिय' अलिम्पिक-2021 आव भारतनि जानानै जेब्लिन ट्र'आव सनानि मेडेल देरहानाय नीरज चप्रा नि नोजोरा आधिखालाव फैगौ 2024 नि पेरिस अलिम्पिकखौ लानाने दं। नीरजआ बेयाव गोदान रेकर्डजों सनानि मेडेल देरहानो थाखाय मिजिं फोरमायथिदों। मख'नो गोनांदि, बुधबारखालि गावखौ मान होनायाव कलकातायाव खुंफुंजानाय मोनसे हाबाफारियाव नीरजआ नुजाथि फैना नै बुंथिदोंदि, 2024 नि अलिम्पिकआव आरोबाव बांसिन मोजांथारै गेलेना दिन्थिनो थाबावोदि, आं सानाखैमोनिदि, बे बादायलायनायाव सनानि

बसमोनहाबो दंमोन। लोगोसेनो सुजित बसआ नीरज चप्राखौ दुर्गा फुजानि समाव कलकातायाव फैनो थाखाय हांखायहरदों। मख'नो गोनांदि, सोनाब बंग'आव दुर्गा फुजाखौ जोंगा-मागा हाबाफारिजों खुंनय जायो। बेनि थाखायनो सुजित बसआ नीरज चप्राखौ दुर्गा फुजानि हाबाफारियाव बाहागो लानो थाखाय लिंहरदों, नाथाय गोब्राव दंदि नीरज चप्राया बे हाबाफारियाव बाहागो लानाआ। मख'नो गोनांदि, टकिय' अलिम्पिक गेलेमुनिफ्राय फैनायनि उनाव नीरज चप्राया बाडाइ समल' न'याव थानो मोन्दो। बियो लान्थ्रियै मोनसेनि उनाव मोनसे मान बाउनाय हाबाफारियाव बाहागो लानांनो। बेनि जाहोनाव सोलिफु बोसोराव खेबसेबो दुर्गामेन्टफोरव गेलेनो मोनाखै। मानोना नीरज चप्राआ अलिम्पिकनि उनाव मोनसे दुर्गामेन्टआव बाहागो लानांगोमोन। नाथाय थियारि जानो हायैयाव बियो दुर्गामेन्टनिक्राय बायजोयाव थानांनो।

आइपिएलआव नायगिरिफोरखौ नुनो मोनसिगोन, बिसिसिआइआ स्टेडियमआव फैनो गनायथि होबाय

गोदान दिल्ली, 16 सेप्टेम्बर: आइपिएल 2021 नि इउएआव खुंफुंजानो गोनां आइपिएलनि आद्रा मेचआ फैगौ 19 सेप्टेम्बरनिफ्राय खुंफुंजानो। तुनांमेन्टनि जागायजेन्नायनि सिगां नायगिरि-अन्सायगिरिफोरनि थाखाय मोनसे मोजां खौरां सोराडाव फैदो। मख'नो गोनांदि, फेज-2 नि समाव नायगिरिफोरखौ स्टेडियमआव फैनो मोन्नायनि गनायथि होबाय। बिसिसिआइआ रादाव बिबुंसारव जोहै फोरमायहरदोदि, कभिड प्रटकल आरो इउए सरकारनि नेमखाथिफोरखौ नोजोर होनां दुबाइ, शारजा आरो आबु धाबीयाव गेलेफुंजानो गोनां मेचफोराव 50 जौखोन्डोआव सिमना गोनां अन्जिमायाव मासिफोरा थगोन एबा नायगिरि-अन्सायगिरिफोरा स्टेडियमआव हाबनो मोनगोन।



जेब्ला फेज-1 आ गेलेफुं जादोमोन, अब्ला स्टेडियमआव नायगिरिफोरखौ फैनो मोनखेमोन। बेनि उनाव करना महामारिआ गासै मुलुग नाडै नो सागलोबनायनि उनाव तुनांमेन्टखौ गेजेरावनो

दोन्थ'नांदोमोन। फेज-1 नि दोन्थ'जानायनि सिगां खेब 21 मेचफोरा गेलेफुं जादोमोन आरो आद्रा थानाय जोबथा मेचफोरा फैगौ 19 सेप्टेम्बरनिफ्राय इउएआव गेलेफुंजानो। मख'नो गोनांदि,

बिसिसिआइआ रादाव बिबुंसारव बुंथिदोदि, 16 सेप्टेम्बरनिफ्राय एबा दिनेनिफ्राय टिके टफोरनि फान्नाया जागायजेनबाय। बेखौ आइपिएलनि बिफानारि वेबसाइटनि जोहै बुक खालामनो हागोन। जेराव www.iplt20.com आव टिकेटखौ बुक खालामनायनि खाबु होनाय जाबाय। फेज-2 नि गासैबो बादायलायनाया थानाय खेबनि बादिनो दुबाइ, शारजाह आरो आबु धाबीआव गेलेफुंजानो। नैथि खेबनि गिबि बादायलायनाया 19 सेप्टेम्बरखालि खेब-5 सेम्पियन मुम्बाइ इन्डियन्स आरो चेन्नाइ सुपार किंग्सनि गेजेराव दुबाइआव गेलेफुंजानो।

टि-20 मुलुग कापनि उनाव भारतनि निउजिलेन्ड दावबायनाया दोन्थ 'जागोन

गोदान दिल्ली, 16 सेप्टेम्बर: भारतारि क्रिकेट हान्जाया आइसिसि टि-20 मुलुग कापनि उनाव फैगौ नभेम्बर दानाव निउजिलेन्ड दावबायगौमोन। बे समाव भारतआ खेबनै टेस्ट मेच आरो खेबथाम टि-20 हारिमायारि मेच गेलेगौमोन, टेस्ट सिरिजआ आइसिसि वर्ल्ड टेस्ट सेम्पियनसिफनि बाहागो जागौमोन। बे आयदायाव दानिया खौरां मोन्दोदि, निउजिलेन्ड क्रिकेटआ बे दावबायनायखौ आथिखालाव बन्द' खालामना होबाय। जायखौ स्टाफ.क'.एनजेडनि खौरां बादिथै निउजिलेन्ड क्रिकेटनि बुंथिगिरिआ बे खौरांखौ फोरमायनां होदो। दानिया आथिखालासिमाव बेखौ लानानै भारतारि क्रिकेट सामलाय



आफाद (बिसिसिआइ) आरो निउजिलेन्ड क्रिकेट (एनजेडसि) निफ्राय जेबो बिफानारि बिबुंथि मोन्नाय जायाखै। स्टाफ.क'.एनजेडनि बादिथै एनजेडसिनि बुंथिगिरिआ बे बाश्राखौ रोखा खालामना होदोदि, भिरात कहलिनि केपेन सामलायनाय भारतारि क्रिकेट हान्जाया बे सिजनाव प्युचार टुर

निउजिलेन्डआव कभिड-19 खौ लानानै गोखौ क्वारेन्टाइननि नेमखाथि दं। बेनि ओंथिया बेनोदि, निउजिलेन्डनि गेलेगिरिफोरा डिसेम्बरनि जागायजेन्नायनि सिगां निउजिलेन्डसिम फैनाय नड। जेराव बिसोरो बेयाव फैनायनि उनाव एमआइक्युनि सिडाव 14 साननाडै गोखौ आइस'लेसनआव थानांगोन आरो बेनि उनावबो बिसोरो खूष्टमासआव गावसोरनि न'याव थानो मोनगोन। लोगोसेनो बांलादेश आरो निउजिलेन्डनि गेजेराव गेलेफुंजानो गोनां बक्सिं डे टेस्टआवो 28 डिसेम्बरसिम दोन्थ'जानो हागौ। एपटिपनि बादिब्ला बांलादेशआ निउजिलेन्डआव खेबनै टेस्ट आरो खेबथाम टि-20 हारिमायारि मेचफोरनि सिरिज गेलेगोन। बेनि उनाव नेडारलेन्डनि हेंथायै खेबथाम मेचफोरनि सानसेयारि सिरिज गेलेगोन आरो खोला आफ्रिकानि हेंथायै खेबनै टेस्ट आरो खेबथाम मेचफोरनि टि-20 हारिमायारि सिरिज गेलेगोन। जायखौ बुधवारखालि गेलेमुफोरनि थाखाय एमआइक्यु ग्रुप एल'केसनखौ फोसावना होयो जेराव भारतनि निउजिलेन्ड दावबायनाया जायगा मोनाखै।

लियनेल मेसिनि गेलेनायाव पिएसजिआ डू' गेलेदो, सिटि, लिबारपुल आरो मेड्रिडआ देरहाबाय

जिनेभा, 16 सेप्टेम्बर: मुंदाखा फुटबल गेलेगिरि लियनेल मेसी, काइलियान एम्बापे आरो नेइमारमोन बादि स्टार गेलेगिरिफोर थानाय पेरिस सेन्ट जार्मन (पिएसजिआ) आ देरहानो हायाखै आरो सेम्पियन लिग फु टबलनि मेचआव बेलजियामनि क्लाब ब्रजेजो डू' गेलेयो। पिएसजिआ जानानै मिडफिल्डर एनदेर हेराआ



गल खालामदोमोन। जायखौ बेलजियामनि क्लाबनि जानानै

27 थि मिनिटआव केपेन पैन्स बानाकेनआ गल खालामनानै डू' खालामो। गिबि हाफआव मेसीआ मोनसे गल सोनो खाबु मोन्दोमोन, नाथाय गल पस्टआव नांनानै फेलें जायो। बेयावनो एमबापेआ जोखोम जानायनि थाखाय मेचनिफ्राय बायजोयाव थानो गोनां जायो। मख'नो गोनांदि, मेसीआ थानाय दानावसो बार्सिलना

क्लाबखौ नागारनानै पिएसजिआव फैदोमोन। बे मेचआव गिबि खेब एमबापे आरो नेइमारजो लोगोसे बे क्लाबनि जानानै मेसीआ गेलेदोमोन। गुबुन मोनसे मेचआव सेबेस्टियान हालेरनि गलब्रै खालामनायनि हेफाजाबजो अजाक्सआ स्पटि लिस्टबनखौ 5-1 गलजो फेजेनो। बेयावनो मेनसेस्टार

सिटिआ लेइपजितखौ 6-3 गलजो फेजेन्दो। लिबारपुलआवो एस मिलानखौ 3-2 गलजो फेजेन्दो। जेराव खेब 7 सिजननि उनाव तुनांमेन्टआव गेलेदोमोन। रियल मेड्रिडआ इन्टार मिलानखौ गलसे गलसेजो फेजेन्दो, जेराव एट्लेटिक'मेड्रिडआ पर्टसजो डू' गेलेदो।



आसाम सरकार



महारियारि देहा विथारिख, आसाम



श्री नरेन्द्र मदि
मान गोनां गहाय मन्थि

कभिड भेक्सिननि गेदेर हाबाफारि

17 सेप्टेम्बर, 2021

भारतआव कभिड-19 खौ होबथानो थाखाय गासैबो रोखोमनि हेफाजाब होनि फै।
दिनैनो कभिड भेक्सिन थुजा।



ड॰ हिमन्त बिश्व शर्मा
मान गोनां गिबि मन्थि, आसाम

भारतआव भेक्सिन थुनायनि अन्जिमाया 75 कौटि बारलांबाय, बेनि गेजेराव आसामआव 2 कौटिनिबो बांसिन जाबाय। जो बयबो खौसे जानानै जोनि हादरखौ कभिड-19 नि हेंथायै दावहा नांनयाव हेफाजाब होनि फै। जायफोरा आथिखालावबो भेक्सिन थुजायाखै आरो जायफोरा गावसोरनि नैथि खेबनि थाखाय नेथ'नानै दड; अन्सायनानै दिनै नोसोरनि साखाथिनि कभिड भेक्सिन थुगा मिरुसिम फैदो।

21-23 जुनआव खुंफुंजानाय भेक्सिन थुनाय हाबाफारिआव कभिडशिल्ड भेक्सिन थुजानायफोरनि नैथि खेब लानायनि सम जाबाय।

जायफोर कभिड भेक्सिन थुगा मिरु(सिभिसि) 21-23 जुनआव भेक्सिन थुजादोमोन, बेफोर भेक्सिन थुगा मिरुआ 17 सेप्टेम्बर, 2021 अक्टआव नैथि खेब भेक्सिन थुजानो हागोन।

जुदि नोथांनि ओन्सोलाव भेक्सिन थुगा मिरु गैया एबा नोथाडा नागिरनानै मोनाखै, अब्ला कभिड भेक्सिन थुगा मिरुनि सोमोन्दे सौलु खालामनो थाखाय थावेनो

104 नम्बरआव फन खालामदो।



नोथांमोननि रैखाथिनि थाखाय अन्सायनानै दिनै नोथांमोननि सेथि एबा नैथि खेब भेक्सिन थुजानायखौ रोखा खालाम।

कभेक्सिननि नैथि खेबनि गेजेराव फारागथिआ 4 निफ्राय 6 सप्ताह आरो कभिडशिल्डनि नैथि खेबनि गेजेराव फारागथिआ 12 निफ्राय 16 सप्ताह

कभिड भेक्सिन थुनायनि सोमोन्दे जायखि-जाया सौलुनि थाखाय राइन्डोयारि कभिड भेक्सिन थुनायनि सामलायगा गहाय खथानि नम्बर 8099470682, 8399863971 आव डाइल खालाम

एम्बुलेन्स सिबिथयनि थाखाय 108 आव डाइल खालाम

वयनिबो धारवाय भेक्सिन
वेसेन गैयाजासे वयनिबो धारवाय

Janasanyog /D/5991/21

भेक्सिन लाखांनयनि उनावबो कभिड सोमोन्दे नेम-खाथिखौ माननानै सौलि।

Owned, printed and published by Garkhwado Basumatary from Maibong Nwgr J.D. Road, Kokrajhar, W/No. 5, P.O. & Dist. Kokrajhar, B.T.C, Assam. Printed at BODOSA PRESS, Gwjwmpuri, P.O. & Dist. Kokrajhar, B.T.C, Assam Phone & Fax No : 03661-276785, E-mail: bodosa@gmail.com, bodosa_daily@yahoo.co.in, Editor : Baburam Basumatary, Executive Editor: Mwgthang Basumatary